

# *KHONO KHA MUNANGO*

 Ndi u tondwa u vha thaberenakele! Zwo vha zwi songo lavhelelwa zwițuku kha nne, nazwo-vho. Nne, ndi tshi ñivha uri madekwana a ñamusi ho vha hu vhusiku ha tshilalelo, ndi dzulela u takalela, arali ndi hone huňwe na huňwe, u ða kha tshilalelo. Ngauri ndi... Ndi humbula uri Vhakriste vhothe vha tea u lavhelela u dzhiya tshilalelo, ngauri Yesu o ri, "Arali na sa tshi la, a ni na mukovhe kha Nne." Ngauralo-ha, ndi... tshifhinga tshothe ndi u tondwa havhudí u—u ða kha thaberenakele. Zwenezwo, madekwana a ñamusi, Murathu Neville o ri u tou vha na manzaranzara zwițuku, huno—huno ðo takalela arali ndi tshi ðo amba na tshivhidzo thashu. Ndo mu vhudza uri ndi ðo takalela u ita nga u ralo. Ndi ðo takalela u ñivhadza hafhu zwauri arali...

<sup>2</sup> Vhusiku ha matshelo ndi muțangano wa vhanna, vhalangandaka, vhusiku ha matshelo, na vhoramabindu fhano vha tshivhidzo, kha muțangano wavho wo ñoweleaho wa vhusiku ha Musumbuluwo na yavho... vha vha na tsheo ya u ita na vhafhati. Ndi a humbulela uri nothe ni a pñesesa zwauri bammbiri dzashu—dzashu—dzashu dzo fhira, huno ri khou yo kona u fhaťa tshivhidzo. Huno ngauralo zwi a fhira, nahone hu na khonadzeo ya uri zwi ðo thoma ino vhege. Tshivhidzo tshi thoma ino vhege, u ya nga hune nda ñivha. Huno vho ri landula khazwo, hafha Jeffersonville. Fhedzi ro ya ngei Indianapolis, kha muvhuso, huno vha ri nea thendelo, ngauralo ri khou yo i fhaťa. Huno ngauralo zwi thoma, khaňwe, ino vhege. Zwi ðo ñivhiwa nga murahu ha muțangano vhusiku ha matshelo. Huno zwenezwo nga murahu ha muțangano vhusiku ha matshelo, arali vha sa thomi ino vhege, arali tshiňwe tshithu tsha itea, mukonfiraka a nga si thome ino vhege, u khou ya u thoma vhege i ñaho.

<sup>3</sup> Huno aya mafhelo a vhege a ñaho, Mugivhela nga madekwana, Swondaha nga matsheloni na Swondaha nga madekwana, zwa vhege idaho, uyu Mugivhela u ñaho na Swondaha, Murena a tshi funa, ndi ñodou vha na muțangano wa—wa—wa vñuthihî ha vhararu, hafhu, vhunga ro ita vhege ñzi si gathi dzo fhiraho. Huno zwenezwo nga murahu ha musi ro... . Izwo zwi ðo vha vhusiku ha Mugivhela, huno zwenezwo nga matsheloni a Swondaha, huno zwenezwo vhusiku ha Swondaha. Heyi idaho, hu ðo vha nga la fumiraru na fumiňa la uno ñwedzi.

<sup>4</sup> Huno zwenezwo vhaňwe vha vharathu na nne ri khou ūtua nga murahu ha itsho tshifhinga, u swika ngei Colorado, kha lwendo lwa u yo zwima, zwenezwo ra vñuya murahu. Arali thaberenakele, musi yo no fhela, arali zwi tshi vha lufuno lwa Murena, Ndi ñoda u dzhia, khamusi, vhege yo fhelelaho ndi

sa athu ḥuwa hafhu miṭanganoni, huno nda vha na *Mapfundu a Sumbe* a *Nzumbululo*. Phanda ha...Vhunga ro vha na *Zwikhathi Zwa Sumbe Zwa Tshividzo*, zwino *Mapfundu A Sumbe* a tevhela Izwo.

5 Huno hu na khonadzeo ya uri kha vhege dzi no ṭodou swika mbili kana tharu dzi tevhelaho, Ngauri ndi humbula uri vha vhila, na muthu ane vha khou ya u vheya khayo, vha a kona, ri nga fhaṭa thaberenakele huno ra vha nayo nga maduvha a no ṭodou swika fumi, kana fumiṭhanu, tshiñwe tshithu tsho raloho. Zwenezwo ri khou yo vha na lufhera lwa u dzula hafha lwa vhathu vha no ṭodou swika kavhili vhane ra vha navho, kana kararu, khamusi vhathu vho engedzeaho. Huno iyo ndi ndila ye nda vha ndo lindela u swika nga itsho tshifhinga.

6 Ngauri, Mugivhela wo fhiraho na Swondaha, zwo vha zwi tshi lemelesa, ni a ḫivha. Vhathu vho vha vho ima nn̄da hafha nga awara ya vhuvhili n̄tha ha tshithoma nga masiari, u dadza thaberenakele, phanda ha musi tshividzo tshi tshi vułea. Nga matsheloni a tevhelaho, nga awara ya vhuṭanu n̄tha ha tshithoma, muongi a re muđini u re tsini hanga, a tshi bya henefho n̄tha, a ri, "Ho vha hu na vhathu vhe vha vho dala u mona na thaberenakele nga iri ya vhuṭanu n̄tha ha tshithoma nga matsheloni." Ngauralo, huno zwenezwo vhathu, musi vha tshi dzhenha ngomu, a hu na fhethu, huno vha nyama nahone vha ḥuwa. Huno—huno zwenezwo avho vho imaho, na u tsitsikana nahone vho kwanyana kha dziphasedzhi, vha pfa u vhavha, na tshiñwe na tshiñwe. Huno ndi vhona vhasadzi vho ima henefho, vha tshi khou bva mabiko, ni a ḫivha, nga u ralo, na biko li tshi khou elela khavho. Huno muñwe munna a takuwa nahone a nea tshawe, muñwe musadzi tshidulo; huno zwenezwo u do ima u swika milenzhe yawe i tshi vhavha, huno muñwe muthu-vho u do mu nea. Ni a ḫivha, huno nga u ralo, nahone zwi a pfisa vhuṭungu, na vhommē vha re na vhana vhaṭuku vha lwalaho na zwiñwe-vho, izwo zwo vhifha.

7 Ngauralo, ri khou lingedza u zwi vhekanya zwino nga u fhata thaberenakele khulwane. Huno ri do vha na fhethu havhuđi hune vhana, tshiñwe tshifhinga... na u thithisea, vhunga vhana vhaṭuku vha tshi khou lila; zwo luga, ri khou yo vha na lufhera lwa hezwo, u itela uri vhommē vha kone u dzhenha ngomu, vha vha kha ḫi vhona tshumelo, huno vha hasha henefho lufherani. Huno vha na phera dza tshikolo tsha Swondaha na tshiñwe na tshiñwe tsho dzudzanye nga ndila ine zwa tea u vha ngayo. Huno izwo, arali Murena a tshi funa, zwi tshi itea, ino vhege i daho.

8 Nothe no vothela phesente dza dana khazwo, ngauralo ro farelela kha hezwo, ni a vhona. Tshividzo ndi tshihulwane. Zwine tshividzo tsha amba, izwo ndi zwone. Vhalangandaka kana a hu na muñwe muthu-vho... Vhalangandaka vha tou vha, muñwe na muñwe, khetho. Mufunzi u tou vha youthu

nthihi. Ndi tshivhidzo, uri ndi—ndi demokirasi ya tshivhidzo, vhuhulwane ha tshivhidzo. Tshivhidzo, nga vhudalo, tshi a amba. Ndi zwenezwo fhedzi. Huno ri a zwi takalela hezwo, ngauri a ri na vhabishopho kana maimo kana vhalavhelesi kana zwiñwe u ri vhudza *itshi*, *itsho*, kana *tshinwe*. Ndi wona Muya Mukhethwa kha tshivhidzo, une wa amba. Ndi funa uho u vhusa, nahonezwo luga nga maanda.

<sup>9</sup> Huno nda vhudzisa, “Naa nothe no vha ni tshi ḥoda u lindela u swika ri tshi wana zwo edānaho uri ri nga sudzulūsela thaberenakele kule huno ra fhaṭa tshivhidzo tshihulu?” Izwo zwo vha zwi kha bodo ya vhalangandaka, huno zwo vha zwi si nga fhedzwe nga vhalangandaka. Huno zwenezwo vha mmbudzisa, sa mulavhelesi muhulwane, u ḥa a vhudzisa tshivhidzo. Ngauralo nda ri, “Zwino ri na tshelede yo edanaho u engedza tshikalo tsha tshivhidzo na u tshi lugisa tshoṭhe lwo fhambanaho, na tshiñwe na tshiñwe, u fhira zwe ra vha ri nazwo.” Nda ri, “Zwino izwo ri nga zwi ita nga u ṭavhanya, kana u vhulunga tshelede yashu u swika ri tshi wana zwo edanaho u imisa tshivhidzo tshoṭhe n̄tha, tshiswa, huñwe fhethu-vho.”

<sup>10</sup> Huno ra vha na u khetha khatsho kha tshivhidzo, huno zwa vothelwa nga maanda u vheya “u imisa tshivhidzo zwino, huno hu tou vha u fhaṭa kereke khulwane zwa zwino.” Huno ro dzula henehfo na hezwo.

<sup>11</sup> Huno bodo hafha Jeffersonville ya zwi landula, ya ri ro vha ri nga si zwi ite. Huno ra fhira nga kha hezwo, huno ra ya Indianapolis huno ra wana Muyhuso khazwo. Huno zwenezwo vha rumela ipfi murahu, la uri, “iyani phanda,” ri na pfanelo ya u tshi fhaṭa. Ngauralo zwenezwo dorobo a i na mushumo nazwo zwino, ndi Muyhuso une wa tea u zwi ita. Ngauralo zwenezwo ri na thendelo, huno mukonṭiraka u na—na thendelo tshandani tshawe zwino, huno ndi a humbulela uri vho lugela u thoma tshifhinga tshiñwe na tshiñwe.

<sup>12</sup> Vhusiku ha matshelo, arali—arali mukonṭiraka a tshi ri u khou ḥoda u thoma vhege i daho, zwenezwo ndi do tou pfuka miṭangano u itela . . . u swika ri tshi dzhena ngomu ha *Mapfundoo a Sumbe*. Huno zwenezwo arali mukonṭiraka a sa koni u thoma vhege i daho, zwenezwo Swondaha i tevhelaho, nga Mugivhela na Swondaha, Ndi do vha na mutangano phanda ha musi ndi tshi ḥuwa.

<sup>13</sup> Huno zwenezwo ndo vha ndi tshi khou ya u vha nazwo nga heyi Swondaha, huno nda wanulusa madekwana a namusi uri ndi vhusiku ha tshilalelo, ngauralo ndo zwi pfuka ino Swondaha. Ngauri, gogo lo raloho, ni nga si dzhie tshilalelo zwavhuđi, huno zwenezwo musi ri na tshivhidzo tshihulu tshire ra kona.

<sup>14</sup> Zwino, ri na Muphuresidennde a no khou ḥa. Yone . . . oo, ni a divha zwine nda khou amba, yo vha yo tou kumedzelwa muṭa wa ha Hickerson zwi si zwa kale. Huno khaladzi ashu a

re mutambi wa piano, arali a tshi ḍo da huno a ri nea tshuni ṭhukhu kha piano, ya “Vha Dzheniseni,” arali ni tshi ḍo funa, kana luṁwe luimbo luṭuku lwa ulwo lushaka. Ene mütukana muṭuku kha muṭa wa Hickerson, ane ndi kale o vha o lavhelelwa, o swika. Muthu muṭuku wavhuḍi nga maanda, huno ene ngoho ndi dzhewelete kha vha Hickerson. Huno vhothe ndi dzhewelete kha rine, ri a vha funa nahone zwa vhukuma ndi murathu na khaladzi ashu. Ri a livhuwa u vha na uyu muṭuku o bebwaho muṭani wavho, we zwa vhukumakuma a vusuludza muṭa. Huno arali vhone, khotsi na mme vha tshi ḍo ḋisa uyu muthu muṭuku zwino u itela u kumedziwa. Zwino, Luñwalo lu ri, “Vho ḋisa vhana Khae, vhushie, uri A kone u vhea tshanda Tshawe khavho huno a vha fhaṭutshedza.”

<sup>15</sup> Zwino, hu na vhatu shangoni vha no tenda kha zwine vha zwi vhidza “ndovhedzo ya lutshetshe.” Huno, izwo ndi uri, vha dzhia avha vhatu vhaṭuku huno vha sa vha lovhedze na luthihi, ngauri, vha tou shasha madi khavho. Zwino, a ri wani izwo huṁwe na huṁwe kha Bivhili, he vha vhuya vha shasha muṁwe muthu, vhaaluwa, ri si tshi amba vhana.

<sup>16</sup> Huno ngauralo ndovhedzo ndi u bula uri mushumo wa nga ngomu wa tshilidzi wo itwa. Huno vhatshetshe vhuṭuku a vhu na ndivho ya tshivhi. Ngauralo-ha, musi Yesu a tshi fa tshifhambanomi, O fela u tuwisa tshivhi tsha shango. Huno musi lushie lu tshi vha muthu, nahone lwo bebiwa shangoni lino, a vha na tshivhi tsha vhone vhanę, ngauralo-ha a vha na tshanduko ya u itwa. Fhedzi, musi izwo, Malofha a Yesu Kristo a tshi bvisa itsho tshivhi. A hu na zwinwe, lushie lu bebelwa tshivhini, lwa vhumbea vhatshinyini, lu da shangoni lu tshi amba mazwifhi, huno ndi vhatazivhi nga mvelo, fhedzi Malofha a Yesu Kristo a pfumeleta izwo. Fhedzi musi lushie lu tshi da kha vhukale ha vhuḍifhinduleli, huno lwa ḋivha tsho lugaho na tsho khakheaho, zwenezwo lu tea u shanduka kha zwe lwa ita. Tshivhi tshatsho zwino ndi tshivhi u tou fana na musi lwo bebwab tshivhini, ndi tshivhi tsha muthu, tshivhi zwino ndi tshivhi tshe Adamu na Efa vha ita; huno izwo zwo pfukwa nga Mudzimu, nga Malofha a Yesu Kristo. Zwino lushie a lu na zwivhi zwa u shanduka u swika lu tshi ita zwivhi, zwenezwo lu tea u rembuluwa. Ni a vhona? Huno musi a tshi shanduka, zwenezwo ndi tshifhinga tsha u lovhedzwa, huno zwenezwo u lovhedzwa nga u mbwandamedzwa.

<sup>17</sup> U swika nga itsho tshifhinga, ri tevhela ndaelo dla Bivhili, dzine, “Vho ḋisa kha Yesu vhana vhaṭuku, uri A kone u vhea zwanda Zwawe khavho huno a vha fhaṭutshedza.” Uyu mubebi wavhuḍi madekwana a ḥamusi u ḋisa ulu lushie luṭuku kha mufunzi na nne, u itela u lu kumedza. Huno vha pfa uri u khou zwi vhea kha vhaimeli vha zwanda zwa Kristo, vha khou zwi vhea zwandani zwa Kristo. Zwenezwo, nga lutendo, ri isa lushie kha Mudzimu, u ḥea ndivhuwo ya u lu ḋisa hafha, huno ra

humbela Mudzimu uri a lu fhaṭutshedze, zwine ra zwi vhidza “u kumedza vhuskie.”

<sup>18</sup> Zwino, ni a ɖivha uri ndi do vha hani kha vhana vhanga. Ndi na musidzana muṭuku ngei Vhugalani madekwana a ḥamusi, huno o vha o kumedzelwa kha Murena, fhano kha al̄itari. Ndi na mutukana muṭuku na musidzana vho dzulaho murahu henehfo, madekwana a ḥamusi, vhane vha vha uri a vha athu lovhedzwa. Muñwe, wa fuminthihi, ndo vha ndi tshi khou amba nae nga hazwo ḥamusi, Sara, u itela ndovhedzo. Huno Yosefa ndi wa sumbe fhedzi, ngauralo u kha di vha muswa khazwo na zwino, u swika hune... Arali a tshi do zwi tama, huno a ri Mudzimu o vha a tshi khou zwi vhea mbiluni yawe, ndo vha ndi tshi do zwi ita tshifhingani itsho. Fhedzi, sa vhuskie, ndi tou vha kumedza kha Murena, ngauri iyo ndi pfunzo ya Luñwalo yazwo.

<sup>19</sup> Murathu Neville, arali ni tshi do tshimbila na nñe zwino kha uyu mutukana wavhudzi. [Mukomana Branham u sendela tsini na Mukomana na Khaladzi Hickerson—Mudz.] Ndo vha ndi tshi khou ofha... Naa uho ndi Hollin? Hollin? Ee, Hollin, Junior. Stephen Hollin. Zwo ralo, ndi zwone. Oo, ndo elekanya uri o vha o edela. Iyo ndi mvelo ya Hickerson, tshiñwe na tshiñwe tshi no khou bvela phanda. Ndo mu vhona liñwe duvha, nda ri “ene Muphuresidennde,” na zwiñwe-vho. Huno, a hu na zwiñwe, izwo zwo vha zwi zwiñku nga maanda khae, ni a vhona, u amba ngae sa “Muphuresidennde.” Naa ni vuwa hani? Zwo luga, ndi a ɖivha uri izwo zwi tea u vha lupfumo kha mme muñwe na muñwe a ofhaho Mudzimu. Naa ni nga si elekanye nga u ralo? Zwa vhudi nga maanda. Huno zwino, Mukomana Hickerson na Khaladzi Hickerson, sa mudinda wa Kristo, sa mufunzi wanu, ndi dzhia ulu lushie, nga lutendo, kha zwanda zwa Yesu Kristo, ane Khae na tama u zwi vhea zwandani Zwawe.

<sup>20</sup> Kha ri kotamise zwifhaṭuwo zwashu sa mufunzi na nñe ro ima hafha zwanda zwashu zwi kha lushie.

<sup>21</sup> Khotsi ashu wa Tađulu, kha Bivhili vho disa vhana vhaṭuku kha Iwe, uri U vhee zwanda Zwau khavho huno u vha fhaṭutshedze. Huno nga ngoho, Murena, vho fhaṭutshedzwa. Huno zwino u tevhela tsumbo Yau, zwithu zwe Wa ita, ro lingedza nga vhuronwane, Murena, ri tshi vhala Bivhili nahone ra tevhela tsumbo sa zwe Wa ita. Huno uyu khotsi na mme, Mukomana na Khaladzi Hickerson, vhafunziwa vhashu vha funeaho hafha kha thaberanakele, ri ɖisele ili dakalo liñuku le Wa li vhea kha ndondolo dzavho. Li bva kha Iwe, Murena. Wo vha nea uyu ñwana. Huno zwino vha tama u nekedza vhutshilo vhuṭuku hawé kha Iwe, u vha tshumelo kha Iwe. Ndi rabela uri U fhaṭutshedze uyu ñwana, uri U do mu nea vhutshilo vhulapfu. Ngavhe a tshi tshila, arali zwi tshi konadzea, u vhona u Da ha Murena. Ndi rabela uri U do lu fhaṭutshedza huñwe na huñwe hune lwa vha hone. Ngavhe lu tshi aluswa kha haya ha Vhakriste, vhunga lwo bebiwa kha muthihi. Huno ngavhe zwi

tshi bvela phanda kha uhu haya. Ngavhe khotsi na mme vha tshi tshila u vhona ūshie kha phuluphithi, arali zwi tshi konadzea, a tshi rera Mafhungo-madifha. Vha nga ṭoda u lu vhona nga iyo ndila, Khotsi, u fhira kha—kha khuluṇoni ya White House, kana huṇwe fhethu-vho, ngauri ndi vhalanda vha Vhau, huno vha tama vhutshilo ha lushie u vha u kumedza na u tendelwa kha mushumo wa Mudzimu.

<sup>22</sup> Zwino ndi a rabela, Khotsi, uri U fhaṭutshedze ḥwana. Huno ngavhe tshilidzi tsha Mudzimu tshi tshi da khatsho, huno ngavhe tshi tshi vha na mutakalo nahone tsho tākala vhutshiloni hatsho hothe. Huno ngavhe khotsi na mme vha tshi tshila u lu vhona lu tshi aluwa, ri a humbela hafhu. Fhaṭutshedza ane ra mu fhaṭutshedza nga Dzina Lau.

<sup>23</sup> Huno zwino, muṭuku Stephen Hollin Hickerson, ndi u neya kha Yesu Kristo, uri phaṭutshedzo dze ra humbela dzi de kha iwe. Ivhani na mutakalo nahone no khwaṭhaho, murathu wanga muṭuku, huno ngavhe ni tshi tshila u nea vhugala Mudzimu. Nga Dzina la Yesu Kristo ri a zwi humbela. Amen.

Mudzimu a ni fhaṭutshedze. Mudzimu a ni fhaṭutshedze nothe. Lushie lwavhuđi nga maandā.

Hune a ri nga aluwi, a ri nga aluwi,  
Shangoni line ri nga si aluwe;  
Ri nga si aluwe, ri nga si aluwe,  
Shangoni line ri nga si aluwe.

<sup>24</sup> Naa a zwi nga vhi zwavhuđi? Vhaswa vha do vha vhaaluwa, huno mualuwa u do vha muswa. Zwino, naa izwo a si zwavhuđi? Huno a ri nga vhuyi ra aluwa, kana u vha na u ṭungufhaļa, kana u fa.

<sup>25</sup> Zwino, dzitshumelo, Murathu Neville o divhadza. Ndi ṭoda u divhadza zwino, na nne-vho, uri uyo muṭangano, ni songo u hangwa, na muṭangano we a amba nga hawo. Nahone, Vho-Mme. Ford vhe vha vha vha tshi anzela u da tshivhidzoni miňwaha yo fhiraho, ndo tou mu isa kha ḥwananyana wavho, mađuvha a si gathi o fhiraho, huno u na miňwaha ya fumalo, nahone o ya u ṭangana na Murena vhusiku ho fhiraho nga iri ya vhumalo n̄tha ha tshithoma, ndi a elekanya. Huno tshumelo dzawé, mufunzi na nne ri do fara fhethu ha kereke ngei Coots' Lavhuraru, nga iri ya vhufumi—iri ya vhufumi n̄tha ha tshithoma, heli Lavhuraru li daho. Vho-Mme. Ford, Vho-....ndi elekanya uri ndo hangwa zwe yavho...Levi, Vho-Mme. Levi Ford. Yashu... Ndi—ndi vhone mme a Lloyd Ford ane na mu vhona kha bugu yanga, uri o vha a tshi khou ya u mbetshela i la suthu ya Boy Scout, huno ndi tou vha na nthihi yo shavhela kha tsha monde. Zwino, avho ndi—avho ndi mme a mutukana. Ngauralo ndo vha dzhia linwe ḫuvha huno nda rabela nae, tshithu tsha kale tshi ṭungufhadzaho. Huno a ya u ṭangana na Murena Yesu.

<sup>26</sup> Zwino, arali Murena a tshi funa, ndo vha ndi na tshiñwe tshithu hafha tshirendi nga ñivhadza uri dzitshumelo, arali vha da u itela iyi vhege i tevhelaho, arali ndo vha vhea ngomu hafha, kana katukuñku ndo elekanya uri ndo ita, nga ha zwe nda vha ndi tshi khou yo amba nga hazwo u itela i—i—i daho, iyi tshumelo i daho ya vhege i tevhelaho. Arali ndi—ndi tshi elekanya . . . ndo elekanya uri ndo i vhea buguni iyi, a thi ñivhi uri kana ndo ita kana hai. Ee, ngeyi. Murena a tshi funa, vhusiku ha Mugivhela ndi ñoda u rera nga ha ñohoho ya “Mulandu munna muthihi a tshi ñutuwedza vhutshilo ha muñwe.” Huno nga matsheloni a Swondaha ndi ñoda u rera nga ha “U pfufhiwa ha phiramidi.” Huno vhusiku ha Swondaha ndi ñodou rera nga ha *Muendedzi Wanga*, ñohoho, *Muendedzi Wanga*, u itela vhusiku uvhu ha Swondaha i ñaho. Zwino ngavhe Murena a tshi fhañutshedza izwo zwithu huno a nthusa, vhunga ndo vha ndi nnða, nahone u tou itela ñthaluso ñthukhu ya u zwi doba.

<sup>27</sup> Zwino madekwana a namusi, ri ñoda u ñavhanya huno ra vha na zwithu zwi si gathi. Nga inwe ndila, ndi na luñwalo hafha lune—lune lwa kha ñi bva u dzhena poswoni, vhunga Billy o lu doba tshikhathinyana tsho fhiraho, uri vhañwe vharathu vha ngei Michigan, huno hezwi zwi bva kha vhuledzani ha vhashumeli vhane vha na zwithu zwinzhi. Izwo ndi zwine zwa ita uri zwithu zwi ñanganane, inwi ni a vhona. Hezwo, vha vhila hafha uri vhañwe vhakomana ñha heneñho vhe vha ri ndo vha rumela ñha heneñho, huno vha khou rera uri vhanña vha tea u ñutshela vhafumakadzi vhavho huno vha zwima ñhama yavho ya tshimuya, na uri—uri a thi khakhi lwo fhelelaho. Uri a hu na tshithu . . . Huno, oo, zwiñwe zwa zwithu zwi shushaho zwe na vhuya na zwi pfa. Huno nyandano ya vhashumeli yo zwi fara, huno vha khou nnwalela luñwalo nga hazwo, huno ura ndo vha rumela ñha heneñho huno zwi khou vhanga ñdado khulu nga maanda. Huno vhañwe vhavho vha tshi khou porofita nahone vha tshi ri munna muthihi u tea u ñutshela *uyu* mufumakadzi huno a yo mala *uyo* muñwe. Zwino, hetshi tshivhidzo tshi a zwi ñivha uri a ri tikedzi tshipengo tsho raloho.

<sup>28</sup> Ri tenda kha Bivhili. Ri a tenda uri musi munna a tshi dzhia musadzi, *uyo* ndi mufumakadzi wawe, huno lufu lu nga kona fhedzi u vha fhandekanya. Ndi zwezwo fhedzi. A ri tendi zwithu zwo raloho zwi no nga hezwo. A ri tendi kha lufuno lwa mahala, na riñe-vho. A ri tendi kha izwo zwithu. Zwa vhukumakuma ri tenda Bivhili, nahone Iyo fhedzi. Ngauralo ndi ño tou ita khophi yaho, khophi ya u vhu vhurifhi, huno nda fha phindulo yanga khazwo huno nda lu vheya kha magazini, huno izwo zwi ño—izwo zwi ño londa izwo. Ndi a fhulufhela uri zwi a ita, naho zwo ralo, u fhindula khavho.

<sup>29</sup> Zwino madekwana a namusi, phanda ha musi ri tshi vula Luñwalo, kha ri ambe na Murena washu.

<sup>30</sup> Khotsi ashu wa Tađulu, ri khou sendela kha Khuluñoni Yau ya khathutshelo, nga Dzina la Murena Yesu, Uyo Muñwe muhulwane O tselaho fhasi a tshi bva Vhugalani u ri petulula lupfumo lwa lupfumo lwa Mudzimu. Ri U livhuwa hani nga hoyu Yesu muhulu We a vha a mbonadzo ya Mudzimu, o itwa muthu kha riñe, huno nga Khae ri na thengululo i bvaho kha zwivhi zwashù. Huno zwino ro fhira u bva lufuni u ya kha Vhutshilo, ngauri ri a Mu tenda. Ngauri two ñwaliwa nga ha Ene, uri O ri, "Ane a pfa Maipfi Anga huno a tenda kha Uyo we a Nthuma, u na Vhutshilo ha lini na lini; huno a nga si ñe khatuloni, fhedzi o bva lufuni a ya Vhutshiloni."

<sup>31</sup> Fhañtshedza Maipfi Au, madekwana a ñamusi, Murena. Huno ri fhano u dzhia tshilalelo nga tshifhinga tshipfufi fhedzi. Vhakriste, vhadzulapo nga riñe vha Muvhuso vha ño kuvhangana u mona na dzialeñare, huno henefho vha ño dzhia zwine ra zwi vhidza "tshilalelo," tshi—tshipida tshituku tsha—tsha vhuñambo he Iwe wa ri sia naho, u sumbedza uri ri tenda uri Wo fela zwivhi zwashu, huno wa vuwa hafhu nga ñuvha la vhuraru, nahone u a tshila u ya nga hu sa fheli, huno ri tshi ita hezwi u swika U tshi vhuya, u ya nga ha Mañwalo vhunga ro laiwa. Tanzwa mbilu dzashu kha ngelekanyo mmbi na zweþhe zwe ra ita zwe zwa vha zwo fhambana na lufuno Lwau luhulu. Khotsi, ri hangwele, huno u ri ñee zwa tshildzi Tshau madekwana a ñamusi. Nwatekanyela riñe zwino Tshinkwa tsha Vhutshilo, kha Ipfi, musi ri tshi Li vhalà nahone ra amba nga Halò. Nga Dzina la Murena Yesu, ri a zwi humbelo. Amen.

<sup>32</sup> Zwino kha Bugu ya Nzumbululo, ri tshi thoma nga ndimana nthihi fhedzi, ndi tama u vhala ndimana ya vhu<sup>20</sup>, kana ndimana ya 1 ya ndima ya 20.

*Huno nda vhona muruñwa a tshi tsa a tshi bva tađulu,  
e na khoño ya dindi lo itaho mugodi u sa gumi na  
ngedane khulu tshanđani tshawe.*

<sup>33</sup> Zwino ndi tama u amba, arali zwi tshi do vha nga u ralo, arali ndi tshi tea u zwi vhidza linwalwa li bvaho kha ili, kana nda ola thaluso i bvaho kha ili linwalwa, lwa miniti ya fumbili i tevhelaho kana ya fumbilithanu, ndi do takalela u zwi vhidza, *Khoño Kha Munango*. Zwino, a thi tami u—u zwi ita "dzikhono," ngauri Petro o ñewa "dzikhono" dza Muvhuso." Fhedzi ndi khou ñoda u vhidza hezwi: *Khoño Kha Munango*. Huno nga u ñavhanya murahu ha hezwi, ndi tama u ñea vhudipfi vhuñuku vhu si gathi nga tshilalelo, phanda ha musi ri tshi zwi dzhia madekwana a ñamusi.

<sup>34</sup> Zwino, khoño. Ndi a dzhiela nzhele hafha musi ri tshi vhala, uri hoyu Muruñwa o tsa a tshi bva Tađulu, a na khoño tshanđani tshawe. Ndi tenda uri ndi Nzumbululo 13 kana 19, ri wana hafhu, muñwe Muruñwa a tshi khou ña na khoño. Huno khoño ndi, ndivho ya khono, ndi u vula tshiñwe tshithu, tshiñwe tshithu

tshe tsha khinelwa, kana ndi tshiñwe tshithu tshine tsha tea u khinelwa. Fhedzi khoñō i netshelwa iyo ndivho.

<sup>35</sup> Zwino, hu na tshaka nnzhi dza khoñō, ngauri ri na zwinzhi zwi no shumisa khono. Hu na khoñō dza nnđu ya u vhulunga thundu. Hu na khoñō kha nnđu yanu, hū na khoñō kha modorokara wanu. Huno ri dzi vhidza khoñō, nahone ndi dzikhoñō. Huno dzi nga itwa kavhili, nnzhi. Kana kha nnđu, tshiñwe tshifhinga hu nga itwa, zwine ra zwi vhidza, khoñō i no vula miñango miznhi. Nga mañwe maipfi, ndi khoñō ine yanga yo itwa nga ñhodzi, kuvhadèle kwayo, kune—kune kwa monisa loko nga iñwe ndila huno i nga vula muñango muñwe na muñwe, i vhidza “yone khoñō i no vula miñango minzhi.” Ndi tshi vhumbleo tsha koñō nnzhi, huno i nga vulwa nga iyo ndila, na nnđu dzashu kana na kha goloi dzashu, dzi nga itwa kavhili. Huno zwenezwo hu na . . .

<sup>36</sup> Khono iñwe na iñwe i nga si lokolole muñango u swika i tshi shumiswa nga tshanda. I tea u vha na tshiñwe tshithu tsha u shumisa khono. Khono nga yone ine i nga si kone u di shumisa. I tea u vha na tshiñwe tshithu tsha u somba iyo khoñō.

<sup>37</sup> Zwi nga iyi khudzaipfi ine nda—ine nda khou amba nga hayo. Iyo khudzaipfi yo fhumula. Nndani ha musi hu na tshiñwe tshithu tsha u amba nga khayo, i nga si kone u amba nga yone ine. I tea u vha na tshiñwe tshithu tsha u amba nga khayo. Ngauralo, a si khudzaipfi, ndi ipfi kana yone—yone phosho (murahu) uri yone khudzaipfi i isa kha—kha gabelo la maya, u ya kha ndevhe dzanu.

<sup>38</sup> Zwino, iyo ndi ndila ine zwa vha ngayo kha u rera Mafhungo-madifha. A si riñe vhañe, sa vhashumeli, a ri Mafhungo-madifha. Fhedzi ri tou vha vha pfukiseli vhanne vha pfukisa lone Ipfi la Mudzimu nga kha hashu vhuimo, ha muthu, kha muthetshelesi.

<sup>39</sup> Bono li nga ndila i fanaho. A thi ñivhi tshithu tshine ndi nga amba kha tshivhidzo nga tshino tshifhinga malugana na bono. Fhedzi arali Muya Mukhethwa u tshi do sumbedza, tsha u thoma, nñe bono, zwenezwo ndi pfukisela ilo bono kha uyo we la livhiswa khae. Ngauralo ho vha hu si langa, nñe, bono lo vha li si langa, nñe. Ho vha hu Mudzimu we a ñea bono, huno nda vha tshi pfukiseli, u disa mulaedza wa bono kha vhathu.

<sup>40</sup> Zwino, khoñō ndi tshithu tshithihi. Mpfareleni. Khoñō i tea u fariwa fhedzi nga tshanda tshine tsha lokolola muñango. Ni a vhabona, tshi tea u vha tshanda. Zwino, huno kha khoñō ine nda khou ya u amba nga hayo madekwana a ñamusi, ndi tshanda tshithihi fhedzi tshine tshi nga fara ino khono, huno itsho ndi tshanda tsha lutendo. Ndi tshone tshithu tshi tshoþhe tshine tshi nga—tshi nga kona u fara iyi khono. Huno zwanda zwi fara dziñwe khono, huno zwi dzhia tshanda tsha lutendo u itela hezwo.

<sup>41</sup> Zwino, ri dzhia vhunga khono kha ndivho. Zwino, munna u tea u ralo, arali a tshi khou lingedza u kuvhanganya ndivho, ni a vhona, zwino, hu na khono ya hezwo. Hu na ndila ine uyu muthu a tea u i vula. U tea u vha...u wana dzibugu dzawe na ngudo yawe, huno a nga si kone...a hu na ane a nga mu guda. Vha nga mu funza, fhedzi u tea u guda. Huno ndila i yothe ine zwi nga itwa, u tea u gavha iyo khono, itsho tshiñwe tshithu ngomu heneffo tshi no petuluwa kana tshi si na...tshi mu dzumbululela ndivho ine a khou i ḥoda.

<sup>42</sup> Huno hu na vhathu vha no nga vha do lingedza u lidza piano, huno vha...kana muzika. A vha ḥivhi uri vha zwi ita hani, fhedzi vha ya kona u ya heneffo huno mudededzi a nga di dzhia ngudo nga murahu ha ngudo, huno vha nga si vhuye vha zwi guda. Vha tou sa kona u fara iyo khono ya itsho tshiphiri, nga ndila ine muungo na mubvumo zwa thena na zwiñwe zwinzhi zwi tshilila. Zwi dzhiya khono.

<sup>43</sup> Huno na mbalo, hu na khono kha mbalo, ine na teya u wana thodzi yayo. Ndo vhona vhathu vhane vha nga dzhiya ḥaini nna dza zwipida, huno vha vheya munwe wavho, muñwe na muñwe wa minwe kha ḥaini ya tshipida, huno u tou tsa phasi u fana na izwo khamusi lwa ḥanan kana dza rathi mbalo u nga maanda, huno vha vheya phindulo nga phasi. Vha tshi wanulusa ḥaini nna nga tshifhinga tshithihi, huñwe na huñwe u bva kha nthihi u swika kha ṭahe. Zwo luga, ndo vha na tshifhinga tshi kondaho tsha u wana ḥaini nthihi, nn̄dani ha musi ndo no vha na minwe yo edanaho na zwikunwe u vhala, u—u wana ḥaini nthihi yo tandululwa. Ndi tou vha ndi nga si kone u wana iyo khono. Fhedzi, ni a vhona, vhanñe vhavho vha tou vha na iyo khono khavho, vha ḥivha uri zwi itwa hani.

<sup>44</sup> Huno hu na khono kha ndivho, muthu a ḥodaho ndivho. Hu na khono dza saintsī, thodisiso dza saintsī. Zwino, hu na, iyo ndi khono khulwane. Vhathu vha ḥoda iyo khono.

<sup>45</sup> Vhunga hafha tshiñwe tshifhinga tsho fhiraho vho wana athomo, huno vha ḥivha uri ho vha hu na dziathomo, huno zwenezwo dziathomo dza vhumba dzimolokhulu na zwiñwevhō. Zwino, vha tea u sedzulusa, muñwe muthu o tenda arali iyo athomo yo fara tshiñwe na tshiñwe fhethu huthihi, Arali a thomo ya nga shandukiswa, izwo zwi do dzhiya izwo zwe ya zwi fara huno zwa zwi kwashekanya. Ngauri, tshiñwe na tshiñwe tsho farwa nga athomo, izwo ri a zwi ḥivha. Zwino, iyo phuphu yo farwa nga dziathomo. No vhumbea nga dziathomo. Hatsi, miri, tshiñwe na tshiñwe tsho farwa fhethu huthihi nga dziathomo. Zwo luga, arali iyo athomo, i tshi khou mona nga ndila nthihi, arali i tshi nga vundiwa huno ya humela murahu, zwenezwo i do tshinyadzwa. Huno, zwino, vhorasantsi vhahulwane vha tenda uri izwo zwi nga itwa, huno vha shuma nahone vha shuma, huno vha dzula awara na awara, huno vhege na vhege, ñwaha na ñwaha, u swika mafheleloni vha tshi zwi kunda.

<sup>46</sup> Ho vha hu, ndi a tenda, Thomas Edison, kha tshedza, uri vha ri munna o vha a na ndivho uri a nga ita tshedza tsha mudagasi. Ndi ene musimuli wa tshedza tsha livhone. Huno o vha a sa ðo ya mmbeteni vhusiku. O vha a tshi dzhia sangwedzhi tshandani tshawe huno a la zwiliwa zwawe, huno a dzula heneffo nahone a ̄talukanya na u shuma. Huñwe fhethu murahu-rahu kha muhumbulo wawe, tshiñwe tshithu tsho mu vhudza uri a nga zwi ita. Naa ndi mini? Ndi khono ine i nga vula ndila.

<sup>47</sup> Minwaha i si gathi yo fhiraho, ho vha hu na—hu na muthu we a tenda uri u na tshifhiwa tsha u ñwala dzikhathuni. O tenda uri o fara khono tshandani tshawe. Huno o vha a tshi ðoda... o ya... O dzula ngei Kansas. O ya kha mudzudzanyi wa bambiri lihulwane ngei Kansas City, huno a dzhia mañwe mañwalwa awe. Huno mudzudzanyi a ri, “Mune wanga, ni tou vha ni si nazwo. Inwi, a hu na ðodea ya u lingedza, inwi—inwi ni nga si kone u zwi ita.” Fhedzi izwo a zwo ngo mu fusha. O zwi ðivha uri u nazwo. Huno a humela murahu hafhu na hafhu, a tshi khou lingedza, fhedzi ene (mudzudzanyi) o vha a tshi ðo mu landula. Mafhedzisloni, a ya kha mañwe mafhethu, huno vha mu landula, a tshi ri, “Muhulwane, u tou vha u si nazwo. U nga si zwi ite.” Fhedzi naho zwo ralo o tenda uri a nga zwi ita. Huno ndi yone ndila, u na tshiñwe tshithu tshandani tshawe! Mafhedzisloni, o wana mushumo wa u ñwala mañwe mañwalo mañuku, ndi a tenda, u lulamisa kana tshiñwe tshithu tsha tshivhidzo, luñwe lushaka lwa dzikhathuni thukhu u itela tshivhidzo. Huno a ði hirela ene muñe kushasha kana garatshi yavhudji, he mbevha dza vha dzo ðala fhethu hothe na tshiñwe na tshiñwe, kha malagane awe, huno a dzhiela nzhele u fhambana ha iñwe mbevha thukhu. Hafho ndi hune nganea ya Mickey Mouse ya bva hone. Zwino ndi ramamiliioni Walt Disney. Ndi ngani? O vha e na tshiñwe tshithu tshandani tshawe, huno o zwi ðivha uri o tshi fara, o zwi ðivha uri a nga kona u zwi ita. Huno iyo ndi ndila ine vhukoni vhuñwe na vhuñwe vhuhulwane ha itwa. Musi vñhanna na vhasadzi vha tshi vha na tshiñwe tshithu tshandani tshavho, tshine vha ðivha uri vha nga kona u zwi ita.

<sup>48</sup> Musi polio i tshi fara lushaka. Vhunga, roþhe ri tshi laiwa u ya ra wana muhaelo, u i bvisa. Musi pholio i tshi rwa... Mulovha ndo vha ndi tshi khou thetselesa dokotela musi ndi tshi khou reila ndilani, muñwe dokotela a bvaho Louisville. A ri, “Miñwaha i si gathi yo fhiraho, musi bulayo lihulwane li tshi rwa Louisville,” ha pfi, “arali vñhanna vho vha vha tshi ðo vha vho ima he nda ita, huno nda vhona zwi thivha mulomo wa fuþhanu-sumbe nga tshifhinga tshithihi, huno vñhanna, vhasadzi, vhatukana na vhasidzana, vho oma mirado nga vhulwadze vhu no pfi ‘pholio,’ huno ho vha hu si na tshe tsha vha tshi tshi nga itwa nga hazwo.” Ha pfi, “A thi ðodi u vhona tshithu tsho raloho hafhu na khathihi.”

<sup>49</sup> Fhedzi saintsyo elekanya, “Arali hu na vhuvhi ho raloho sa pholio, ngoho hu na tshiñwe tshithu tsha u tshi thivhela.” Vho lwa, vha ima zwiñarañani na mabutsu, avho vhanna vha mililo, vha bvula minwadzi, huno vha luvhelela, vha sinyuwa, vha ita tshiñwe na tshiñwe, vha tshi lingedza u wana khono u lokolola munango kha mboholowo. Huno, mafhedziselonii, muñweMukrist wa nnzhinga nga dzina la Salk a wana muhaelo. Ndi ngani? Ho vha hu na vhuvhi vhu re khombo, ho vha hu na muvhulai wa khombo; huno ho vha hu na khono huñwe fhethu ine i nga lokolola mboholowo hafhu u itela muthu, huno muhaelo wa Salk o vha dzilafho la khwinesa. Oo, zwine vha nga ita! Wone muhaelo wo diswa, huno u khou bvisa pholio nga uyu muhaelo, ngauri izwo ho vha hu “u sa nyama na u sa neta,” iyo khono yo vha yodzula huñwe fhethu. Ho vha hu na tshiñwe tshithu tshe tsha vha tshi tshi do tshi haela, huno vho vha vho diimisela u tshi wana.

<sup>50</sup> Huno arali hu na vhuvhi ho raloho sa pholio, vhulwadze ha mukulo, phadi, mukhushwane, u oma mirado, gulokulo, na zwiñwe zwinzhi, uri saintsyo, uvhu vhuvhi, ho konu u lwa, masiari na vhusiku, u swika vha tshi wana muhaelo, ngauri ndi vhuvhi, ndi hu vhulaiwaho, zwi nga fhani i tshi vha khono ya tshidzo kha muthu ane a kha di vha kha dzhele ya tshivhi? Hu na khono kha ilo vothi, la u vhofholola vhathu khalo.

<sup>51</sup> Khono, kanzhi, musi dzi tshi lokolola, huno, musi ni tshi wana khono, zwi teya u vha luñwe lushaka lwa lupfumo, tshiñwe tshithu tsha ndeme, kana no vha ni sa do tshi khinelala. Arali tshi na ndeme ya u khinelwa, itanu tshi litsha tsho ralo. Fhedzi musi tshi na ndeme ya u lokelwa! Ngauralo khii kanzhi ndi—notsi kha tshiñwe tshithu, kana ndila ya u dzhena kha tshiñwe tshithu tshi re na ndeme. Yone khono, ndi zwine ya vhela zwone, zwino, zwi do lokolola tshiñwe tshithu tsha ndeme.

<sup>52</sup> Zwino ri vhala kha Yohane Mukhethwa, ndima ya vhu10, Yesu o ri, “Ndi nñe Muñango kha sambi la nngu. Ndi nñe Munango,” hu si muñwe *wa* munango, “wone Munango, wone Munango u wothe. Ndi nñe Ndila, Ndila i yothe fhedzi, yone Ngoho, na Vhutshilo, huno a hu na muthu a no da kha Khotsi fhedzi nga nnda ha Nñe. Ndi nñe Muñango kha sambi la nngu huno zwe the zwe da phanda Hanga ndi maswina, mavemu na magevhenga.” Ndi ene Muñango kha sambi la nngu. Ndi ene Munango wa u ya kha tshidzo.

<sup>53</sup> “A hu na liñwe dzina lo newaho fhasi ha Tadulu line ngalo ni fanela u tshidzwa, fhedzi nga Dzina la Yesu Kristo.” A hu na tshivhidzo, a hu na dinomineisheni, a hu na ndaela, a hu na pfunzo dza tshiñwe tshithu; nga kha Dzina la Yesu fhedzi. Iyo ndi—iyo ndi Khono. A zwi mangadzi Petro o kona u shumisa muñwe wavho nga Duvha la Pentekoste! Vho toða u ñivha uri vha dzhena hani ngomu ha uyo Munango. O shumisa Khono. Huno hu na Khono nthihi fhedzi, ngauri hu tou vha na Munango

muthihi. "Ndi nne Munango." Huno Petro o vha e na Khoñó Khalo. Huno a ri, "Shandukani, muñwe na muñwe wañu, huno ni lovhedzwe nga Dzina la Yesu Kristo u itela khangwelo ya tshivhi tshañu, huno ni do tanganedza lupfumo lwa Mudzimu." Ndi Khoñó kha Vothi, huno Yesu ndi Munango.

Hu na Munango muthihi wa u fhodza, huno Yesu ndi uyo Munango.

<sup>54</sup> Hu na muthihi fhedzi Munango wa u ya kha mulalo. Ee. "Wanga mulalo ndi ni fha wone." U tou vha wone muthihi fhedzi Munango wa mulalo wa vhukuma. Ni nga elekanya uri ni na mulalo. Ni nga kuvhanganya tshelede yo edanaho u renga haya hanu, ni nga kuvhanganya tshelede yo edanaho u wana zwiambaro zwanu zwa vhana, ni vhe na zwiliwa zwa u la, fhedzi ni nga di vha no kuvhanganya u takalelwa ho edanaho u divhea vhukati ha vhathu. Fhedzi musi ni tshi bvula zwienda zwanu vhusiku huno na lugela u edela, hu tou vha na Tshithu tshithihi tshine tsha nga ni neya mulalo. Izwo ndi, arali ni tshi divha uri no vha ni tshi khou fa uvho vhusiku, hu na Mulalo muthihi fhedzi, huno, uyo ndi, Yesu ndi Mulalo. Ndi ene Mulalo washu.

<sup>55</sup> Ndi ene Phodzo yashu. "Ndi nne Murena Mudzimu wau a fhodzaho malwadze au oþhe."

<sup>56</sup> Ndi ene Muñango wa u ya Taðulu. Huno a hu na muñwe muñango kana iñwe ndila fhedzi nga kha Yesu Kristo. U tou vha Munango wa u ya Taðulu.

<sup>57</sup> Huno zwino Yesu ndi Muñango kha hezwi zwithu zweþhe, nahone lutendo ndi khono ine ya khinulula Munango. Zwino, arali Yesu a Munango kha pfulufhedziso dzoþhe dza Mudzimu, lutendo kha mushumo Wawe wo fhelaho lu khinululela munango muñwe na muñwe kha lupfumo luñwe na luñwe lu re hone ngomo ha Muvhuso wa Mudzimu. Ni a zwi vhona? Khoñó ndi... Lutendo ndi khono ine ya khinulula pfulufhedziso iñwe na iñwe ine A ita. Khoñó dza lutendo dzi ita hezwo, lutendo kha mushumo Wawe wo fhelaho. Ndi idzi khono dzine ra khou amba nga hadzo.

<sup>58</sup> Zwino kha Vhaheberu, ndima ya vhu11, ndi na ludzi luhulu lwavho lwo ñwalwaho hafha phasi, lwa avha vhahali vha lutendo. Ho vha hu khoñó, kha—kha Munango, vhe vha imisa mulomo wa dzindau. Ho vha hu khoñó, lutendo, lwe lwa khinulula nndu dza dzhele. Ho vha hu lutendo, khoñó ya lutendo, lwe lwa dzimula vhuhali ha mulilo, vha ponya þodzi ya pfumo, vha vhuisa vhafu murahu vhutshiloni hafhu. Ho vha hu lutendo, khoñó ya lutendo kha Mudzimu a tshilaho. Itscho tshanda, uyo munna, uyo musadzi, ane a nga dzhia iyo khoñó ya lutendo, vha nga kona u khinulula pfulufhedziso iñwe na iñwe ye Mudzimu a ita. Fhedzi arali ni si a khoñó, ni khou to phuphuledza, ni nga si vhuye na i khunulula. Ni do lwa nazwo, ngauri heyi khoñó...

<sup>59</sup> Inwe na inwe kono ya vhukuma i na todzi nga ngomu ha loko, huno i dzhiya tshivhumbeo tsho imaho nga u rali, tshiñwe tshivhumbeo tshadzo khono u vula idzo thodzi. Huno thodzi thukhu-thukhu yo bva ndilani, i do tshinya tshithu tshothe.

<sup>60</sup> Ngauralo-ha, ndi tenda kha Mafhundo-madifha o dalaho, Ipfi linwe na linwe la Mudzimu, li no vhofholola maanda a Mudzimu, izwo zwi rembulusela phathutshedzo Dzawe kha vhathu. Ndi khono kha Munango, ine ya Li khinulula. Oo, avho vhahali vhahulwane, avho vhaporofita na vhanna vhahulwane vha Bivhili, vhe vha vha na iyo khono! Itshe ndi tshone tsho itisaho uri vha imise mulomo wa dzindau, vha dzimule vhuhali ha mulilo, vha ponyoka thodzi ya pfumo, vhuisa vhafu murahu vhutshiloni hafhu, huno vha ita madembe othe o fhambanaho, ndi ngauri vho fara iyo khono nahone vha zwi divha uri yo shuma, ngauri yo vha i khono ya Luñwalo.

<sup>61</sup> Zwino, arali ndi tshi khou phuphuledza khono ya ndaela, a thi divhi zwine zwa khou yo ita. Arali vha tshi ri “tshivhidzo tshanga tshi funza izwi,” a thi divhi nga ha izwo.

<sup>62</sup> Fhedzi musi Bivhili i tshi zwi funza, huno nda fara khono ya lutendo tshandani tshanga, kana mbiluni yanga, vhane vha ri “ilo ndi Ipfi la Mudzimu,” li no do dzimula vhuhali ha mulilo, i do khinulula phodzo ya vhalwadze, i do khinulula tshidzo ya vho xelaho. Ndi tea u da kha Munango, tshiñwe na tshiñwe tshi nga Dzina Lawe. “Tshiñwe na tshiñwe tshine na ita nga ipfi kana nyito, tshi iteni tshothe nga Dzina Lawe.” Ni tshi divha uri khono ine na vha nayo ndi lutendo, ngauri ndi khono yo itwaho nga Luñwalo. Zwino, arali i khono ya ndaela, khono ya dinomineisheni, a thi divhi zwine ya do ita. Fhedzi arali i khono ya Luñwalo, i nga khinulula khono, ngauri Mudzimu o amba nga u ralo. Zwino, oo, a zwi mangadzi vho vha vha tshi nga imisa vhuhali ha mulilo, na zwiñwe-vho, vho vha vhe na khono.

<sup>63</sup> Mudzimu tsha u thoma o tenda kha muñwe wa avho vhaporofita, a hu na tshe tsha vha tshi tshi nga vha imisa. O vha a sa tei U nga a tshi ita kha nne tshiñwe tshifhinga, u zwi dovhohola na u zwi dovhohola huno khanwe inwi (ndi fulufhela a zwi ngo ralo), fhedzi zwi dzulela u mmbudza, “Iyani ni ite itshi,” huno zwenezwo ni do khukhulwa, “Zwenezwo iyani ni ite itshi,” huno “Humelani murahu ni zwi ite hafhu, a no ngo zwi ita nga ndila yone.” U tou tenda huthihi fhedzi! Fhedzi, vho vha vha tshi nga pfa maya u tshi vha vhudza, “Ndi tshone tshithu tsha u ita,” huno a hu na tshithu tshi no khou yo vha imisa. Mukomana, vho—vho—vho imisa mulomo wa dzindau, vha ponya thodzi ya banga, vho dzima mulilo, vho ita tshiñwe na tshiñwe. U tou tenda zwiñku zwi bvaho ha Mudzimu, ngauri vho fara khono tshandani tshavho, ulwo lutendo luñulwane! Vho itela Mudzimu zwithu ngauri a hu na tshithu tshine tsha do vha imisa. Oo, ndi zwa vhugala hani!

<sup>64</sup> Vhunga muñhannga muñku nga tshiñwe tshifhinga o da kha mukomana wa kale we a vha e munna wa kale a ofhaho Mudzimu, muporofita wa kale wa Mudzimu. Huno a pfa uyo munna a tshi ḥanziela a sa fhidzi, a tshi dzulela u amba nga ha vhudi ha Mudzimu, na uri Mudzimu o vha e hani, na zwe Kristo a vha e zwone, huno a tshi khou tou bvela phanda, a tshi khou amba. Mafhedziselonni, uyu muñhannga o vha a tshi khou yo odeiniwa kha vhushumeli, ngauralo a da kha uyu mualuwa wa kale, huno a ri khae, “Muñe wanga, ndi ḥodou ni vhudzisa mbudziso.”

A ri, “Humbela-ha, muñhannga.”

<sup>65</sup> A ri, “Naa Kristo u amba zwinzhi nga maanda kha inwi vhunga ni tshi ri U a ralo?”

<sup>66</sup> A ri, “U amba zwinzhi kha nñe u fhira zwine ndi nga vhuya nda vha na mufemo wa u amba!” Khezwo-ha. Ho vha hu mini? O wana khoño.

<sup>67</sup> Uyo muñhannga muswa o amba, nga ha izwo, “Arali ni tshi vhila izwi zwithu, huno na ri kha nñe uri ndi zwa vhukuma sa inwi, zwenezwo ndi ḥoda u divha uyo Yesu a sa shanduki, kha vhukuma honoho vhuthihi.” Naa ho vha hu mini? O zwi divha uri mualuwa o vha a na khoño, ye a vha a tshi nga lokolola nahone a tshi nga loka.

<sup>68</sup> Ni a divha, yone khoño ine ya loka, lokolola, nayo. Ni a vhona? Ni nga vhopholola kana na vhofha. Ndi zwone. Yone khoño ine ya loka, u lokolola. Yone khoño ine ya lokolola, i nga loka. Huno izwo ndi zwone kokotolo, ni a vhona, ngauri zwi shuma nga ndila dzothe. Zwi pfisa vhutungu hani uri tshivhidzo tsho vhuya tsha xedza bono latsho la hezwo! Tsho vha tshithu tshi tungufhadzaho hani musi tshivhidzo tshi tshi direngisela nnnda kha milayo, sa zwe ra ita ñamusi, huno zwino ri vhidza vhuthihi.

<sup>69</sup> Ro vhona hune mutevhekano muhulwane wa Vharoma na vhone vha khou ya u ḥangana zwino, vha khou ya u shandukisa dziñwe mbekanyamushumo. Ndo elekanya uri a vho ngo shanduka; fhedzi vha khou yo ralo, naho zwo ralo, a nea tshifhe muñwe na muñwe maanda a mupapa, huno—huno huñwe na huñwe hune a vha hone, na zwiñwe-vho. Zwi pfisa vhutungu hani, he tshivhidzo tsha vhuya tsha direngisela kha dzidogima vhudzuloni ha Ipfi. Ni a vhona? Afho ndi he vha sia khoño, heneffo. Ndi ngazwo madembe mahulwane na zwiga zwi sa itiwi vhukati ha vhathu ñamusi, e a vha a tshi anzela u vha hone, vho xedza khoño! Ee, vha a divha Munango, vha a divha uri Munango u hone heneffo, fhedzi tshithu tshi tevhelaho ndi khoño ya u vula Munango. Lupfumo lu murahu ha Munango. Vho honelwa ñtha, vha si tsha vhona, kha a sa tendi. Fhedzi mutendi, a re na lutendo nahone a nga dzhia khoño ya lutendo, a nga kona u khinulula iyi Minango. Ee, muñe wanga.

<sup>70</sup> Tshinwe tshifhinga hafha miñwaha i si gathi yo fhiraho, ho vha hu na mukomana wa mufunziruňwa, huno a pfa uri u na mbidzo ya Afurika. O vha e muthu muswa; mufumakadzi na vhana vhavhili, vho naka nga maanda, vhasidzana vhaswa, vhe na miñwaha i no ḥodou swika ya sumbe kana malo, u fhambana. Huno uyu muthu muswa o vha a sa koni u ḥutshela kule nazwo. O vha e mu—mushumeli, o vha e na tshivhidzo tshavhuđi shangoni. Fhedzi o vha a nga si tou kona u ḥutshela kule na iyo mbidzo, u “tea u ya Afurika.” Huno a rabela, masiari na vhusiku. O vha a sa ḥodi u ya. Huno Mudzimu a isa phanda na u amba nae, “Ni tea u ḥuwa!” Huno mafhedziselonni a da fhethu u swika ene, makhaulatshеле, hune, u—u fanelu ya!

<sup>71</sup> Ngauralo a ya kha bodo ya vhurumiwa ya tshivhidzo tshawe, huno a ri, “Mudzimu o mmbidzela midavhini ya vhufuniruňwa murahurahu małakanī a—a Rhodesia.” Huno kha heli daka ho dala malaria, na mukhushwane na ilo duvha li fhisaho, małupho na mapele, na tshaka dzothe dza malwadze murahu kha małakanī aya, he a vha a tshi khou yo ita . . . fhedza vhutshilo hawe hothe. A rengisa haya hawe na zwe the zwe a vha e nazwo. Ngauralo bodo ya vhufunziruňwa yo vha i tshi khou ḥoda u mu linga, huno vha ri, “Naa ni na vhučanzi zwino?”

A ri, “Ndi na vhučanzi.”

<sup>72</sup> Vha ri khae, “Muñe wanga, naa no zwi elekanya nga iyi ndila, uri ni na vhasidzana vhačuku vhavhili vho nakaho, huno ni na—na mufumakadzi muswa wavhuđi, huno arali ni tshi tou vha . . . Ndi ngani ni sa yi nga hangei na vhona uri zwi hani huno zwenezwo na vhuya murahu?”

<sup>73</sup> A ri, “Hai, Murena o mmbudza. Oo, ndi zwa vhukuma nga maanda!” A ri, “Murena o mmbidza. Huno a—a thi ḥodi u ḥutshela haya hanga, a thi ḥodi u ḥutshela tshivhidzo tshanga na vhathe vhanga, fhedzi Murena o mmbidza ngei murahu małakanī ayo.”

<sup>74</sup> Huno a ri, “Muñe wanga, naa no zwi divha uri vhasidzana vhanu vhačuku vha nga dzhia mufhiso wa tshirulwane kana biso litswu la mufhiso, huno vha fa, vhusiku vhuthihi?” Huno o amba nga ha vhathe vho fhambanaho vhe vha lovhelwa nga vhana vhavho, vhathe vhačuku, u vhaisa murahu henefho, kha malwadze e vha vha si na muhaelo khao. Huno ha pfi, “Elekanyani nga ha mapele, nga mufumakadzi wanu o nakaho na vhasidzana vhanu vhavhili vhačuku vhe na mapele, huno ilo duvha li fhisaho na zwithu zwine na tea u zwi kondelela.” Ha pfi, “A ni ofhi, na khombo ya u dzhia vhana vhanu na mufumakadzi fhethu ho raloho?”

<sup>75</sup> Huno mufunziruňwa a ima henefho, muthu mučuku, na mitodzi ya thoma u ela na marama awe, a rembuluwa, a ri, “Vhakomana vhanga! Bono langa la mbidzo ya Mudzimu,” o ri, “arali Mudzimu o mmbidzela ngei Afurika, vhana vhanga

na muña ndi vha re na tsireledzo kha la Afurika u fhira huñwe fhethu-vho shangoni.” Amen. Naa ho vha hu mini? O vha e na khoño kha mbidzo yawe, o vha e na lutendo kha zwe a vha a tshi khou amba nga hazwo. Oo, nda elekanya, ndi liambele lāvhudi nandi! Musi ndo no zwi pfa izwo lwa u thoma, mbilu yanga ya rwa. Ni a vhona, “Arali Mudzimu o mmbidzela ngei Afurika, vhana vhanga vhe kha mapele na vhulwadze vhu vhulayo na tshiñwe na tshiñwe-vho, vho tsireledzea u fhira huñwe fhethu kha tshifhañuwo tsha lifhasi.” O vha e na khoño. Izwo ndi zwine zwa dzhia.

<sup>76</sup> Musi ni na khoño, a hu na nyofho, a hu na u tima-tima, a hu na mbudziso. A ni tei u vhudzisa muñwe muthu nga hazwo, ni a ñivha kokotolo. No zwi wana zwandani zwanu, ni a ñivha uri ni tea u itani. Amen. Ni a ñivha uri phambano ndi mini, ni a ñivha wone munango uri u khou ya u lokolowa. No ḥola dzithodzi huno ni a ñivha uri ndi dzone vhukuma tshoñthe-tshoñthe, munango u khou yo vulea musi ni tshi posa khoño khawo.

<sup>77</sup> Oo, arali tshivhidzo tshi tshi tou vha na khoño fhedzi! Arali tshivhidzo tsho tou fhedzi na iyo khoño ya lutendo, ri nga kona u khinulula munango muñwe na muñwe, vhulwadze vhuñwe na vhuñwe, bulayo línwe na línwe, mulandu muñwe na mhñwe u re hone. U nga khinululwa kha riñe arali fhedzi ri tshi nga vha na khoño. Uyu munna o vhae na khoño ya u vhidza hawo.

<sup>78</sup> Arali ni tshi ño kondelela vhuñanzi hanga. Ndi elelwa miñwaha i no ḥodou swika fumiñhanu, ya fumisumbe yo fhiraho zwino, i no ḥodou vha, musi Murena o ri kha nñe ngei fhasi mulamboni, musi A tshi tselo fhasi kha iyo Khavhu ya Mulilo ine tshifanyiso Tshayo na tshi vhona, huno O amba na nñe nahone A ri, “Ni tea u dzhia uyu Mulaedza u mona na shango.”

Huno ndi elelwa ngei Green’s Mill musi A tshi amba na nñe.

<sup>79</sup> Huno nda ya nda vhudza mufunzi, huno a mmbudza, a ri, “Billy, naa no la mini uvho vhusiku? No vha na tshikandeledzi.” A ri, “Humelani murahu kha mushumo wanu. Ni khou shuma kha Public Service Company, ni na mushumo wavhudzi, humelani murahu huno ni londe bindu lanu—lanu, murwa.” Ha pfi, “No vha na tshikandeledzi. Inwi no la tshiñwe tshithu.” Izwo a two ngo thithisa na luthihi!

<sup>80</sup> Musi ndi tshi thoma u itela tshumelo dza phodzo, vhunzhi hanu fhano ni elelwa Mulaedza wanga nga ayo matshelonzi, *Vhunga Dafita O Ya U Tangana na Goliada*, nda rera nga hazwo.

<sup>81</sup> Huno vha mmbudza, a ri, “Nga ñuvha la saintsya musalauno, musi ri na tshaka dzoñthe dza thodisiso ya u alafha, musi ri na madokotela a khwinesa, musi tshivhidzo tsho no hangwa phodzo ya Muya na zwithu zwi bvaho kha minzhi, miñwaha minzhi yo fhiraho, naa ni khou ya hani phanda ha muswonda muhulwane nga u ralo? Naa ni khou yo bva hani na livhana na Vhamethodisi, Vhabaphuthisi, Muphuresibitherieni,

na vhanwe-vho, na Vhapentekostała, vhe vha zwi hangwa tshifhinga tshilapfu tsho fhiraho, huno vha dzhena kha ndaela dzavho? Naa ni khou yo livhana hani, ni si na dinomineisheni kana tshiñwe tshithu-vho tsha u ni tikedza? Naa ni khou yo itani, Bill?” Nga inwe ndila, inwe-vho, a zwo ngo thithisa na luthihi, ngauri ndo fara tshandani tshanga khoṇo! Nda ri. . . Vha ri, “A hu na muthu a no ḍo ni tenda. Inwi ni nga si kone u zwi ita. A hu na muthu a no ḍo ni tenda.”

<sup>82</sup> Nda ri, “A thi londi. Hu na tshithu tshithihi tshi re na ngoho; Mudzimu o mmbidza, huno ndi fanela u ya ngauri Mudzimu o mmbidzela zwone.” Nda fara khoṇo. O mmbidza, O ntsumbedza, O vha o mmbudza, huno nda vhona Vhuhone Hawe musi A tshi n̄nea ndaela, huno khoṇo yo vha i heneffo!

<sup>83</sup> Mufunzi a ri, “Nga pfunzo ya gireidi ya vhusumbe, huno ni khou yo rera na rabela phanda ha dzikhosi na vhavhusi!”

Nda ri, “Izwo ndi u ya nga ha Ipfī Lawe!”

<sup>84</sup> Nga tshino tshifhinga n̄waha wo fhelaho, kana vhege kana mbili phanda ha izwo, musi ndo no ḍa tshivhidzoni fhano huno nda ni vhudza zwauri Murena Mudzimu o n̄nea bono, la u ya ndi tshi khou fara lwendo lwa u yo zwima, huno inwe—inwe phukha ye nda vha ndi tshi khou yo i wana, iyo yo vha i tshi khou yo vha na n̄anga dza intshi dza fuiñambili khayo. Huno ndilani ya u vhuya murahu kha u wana iyi phukha (hune ya ḍo vha yo edela, vhuimo vhune ya ḍo vha khaho), ndilani ya u humela murahu ndo vha ndi tshi khou yo vhulaha tshivhingwi tsha ṭhodzi tsetha. Huno nda ya kha iyi inwe khethekanyo, huno nda amba na munna, huno a ri, “A thi divhī nga ha tshiñwe tshipuka tshi no vhonala sa itsho. Huno u ya nga ha tshivhingwi tsetha, a thi a thu vhona na tshithihi.”

Nda ri, “Fhedzi huñwe fhethu tshi tea u vha fhano.”

<sup>85</sup> Ngauralo a ri, “A ri khou vhuya ra ya na kha shango la zwivhingwi. Ri khou ya n̄tha u itela nngu, n̄tha-n̄tha ha miri.” Zwo ralo, nda ḫuwa nae.

<sup>86</sup> Huno ḫuvha la vhuvhili nn̄da, fhethu heneffo, kokotolo he Murena a ralo, heneffo ho vha hu na phukha. Ngauralo musi ndi tshi ya huno nda wana phukha, huno musi ro vha ri tshi khou dzhia mukumba na n̄anga na zwiñwe-vho, u bvisa, a ri, “Ndi ṭodou ni vhudzisa tshiñwe tshithu. Wo mmbudza, mađuvha mararu o fhiraho musi ri tshi ṭutshela mu—mushasha, uri nga murahu ha musi wo no thuntsha itshi tshiñwe tshipuka, uri ndilani ya u vhuya murahu ‘ri khou ya u vhulaya tshivhingwi tsethana.’”

Nda ri, “Ilo ndi U RALO MA AMBA MURENA!”

<sup>87</sup> Ha pfi, “A thi khou timatima,” a ri, “ngauri murathu wanga o vha e na tshifikhole, huno a ni athu mu vhona vhutshiloni hanu na khathihi, musi no vha ni n̄tha hafha nga tshiñwe tshifhinga,

huno wo mmbudza uri mutukana u khou ya u fhola musi ndi tshi ita tshithu tsho imaho nga u ri. Huno a ralo.” A ri, “Zwino, fhedzi, Mukomana Branham, ndi ḥoda u ni vhudzisa,” a ri, “Ndi kona u vhona ndilani yothe fhasi thavhani hune u guma ha miri ha vha hone, idzo bere dzo ima. Huno a hu na tshithu heneffho. A hu na na tshipida tsha hatsi, a hu na tombo, a hu na tshithu.” Zwiuvhari, une wa vha intshi mbili u ya n̄tha, u fhira he miri ya guma, lwa maela kana u n̄tha ha he miri ya guma. Ha pfi, “Naa tshivhingwi tshi khou yo vha ngafhi?”

<sup>88</sup> Nda ri, “Mudzimu ndi Jehovah-jireh. Arali O mmbudza uri hu do vha na tshivhingwi heneffho, hu do vha na tshiñwe heneffho.”

<sup>89</sup> Fhasi ha thavha, tshifhinga tshothe ri tshi wana hafu ya maela kana ngauralo, tsini, a ri, “Mukomana Branham, ndi tshifhinga tshine itsho tshivhingwi tsha tea u bvelela.”

Nda ri, “U songo vhilaela, tshi do vha fhano.”

<sup>90</sup> Huno musi kaṭukuṭuku ro vha ri kha dzharaṭa dzi no ḥodou swika mađana maṭanu he bere dza vha dzi hone, ro do tea u awela hafhu ngā n̄anga dzi lemelaho na zwithu muṭanani washu. Huno a sedza u mona hothe hafhu, huno nda vhona tshifhaṭuwo tshawe musi a tshi ntsedza, hu tshi nga fhasi mbiluni yawe o vha a tshi khou divhudzisa. Ni a vhona, o vha o no fulufhela uri tshi do vha heneffho, fhedzi o vha a si na khoño.

<sup>91</sup> Fhedzi nga inwe ndila, nga tshilidzi tsha Mudzimu, na khathihi Ha athu tshonisa. Musi A tshi mmbudza uri hu do vha na ḥodzi ya silivere heneffho, ndo vha ndi na khoño. A tho ngo zwi timatima na zwiṭuku, na zwiṭukuṭuku. Nda rembulutshela khae, huno nda ri, “Khonani, i do vha heneffho.” Huno ndo tou rembuluwa, ho vha hu na tshivhingwi [A hu na tshithu kha theiphi—Mudz.] tsho ima heneffho nga n̄tha hashu, i ḥodou vha hafu ya maela.

<sup>92</sup> A ambara mangilasi, a ri, “Billy, ngauralo nthuse, ndi tsha ḥodzi ya silivere khulu!”

<sup>93</sup> Ni a vhona, khono, bono, Ipfi la Murena, a hu na tshine tshi nga Li shandukisa kana tsha Li imisa. Zwine tshivhidzo tsha ḥoda madekwana a ḥamusi a si pfunzo. Zwine tshivhidzo tsha ḥoda madekwana a ḥamusi a si dinomineisheni. Zwine tshivhidzo tsha ḥoda madekwana a ḥamusi a si ndaela. Zwine tshivhidzo tsha ḥoda madekwana a ḥamusi ndi khoño kha Mañwalo, wone Munango. Zwine, Kristo ndi Munango, huno U tou vha Ipfi. Lutendo kha Ipfi la Mudzimu a tshilaho lu khiṇulula munango muñwe na muñwe.

Mudzimu, ri fhe khoño. Ri fhe khoño.

<sup>94</sup> Vhaheberu, ndima ya vhu<sup>12</sup>, i ri, “U vhona uri ro tangwa nga gole lihulwane ḥo raloho la džiñhanzi, kha ri vhetshale kule muhwalo muñwe na muñwe, na u sa tenda hune ha ri tanga nga

ndila i leluwaho." I ri "tshivhi," zwine, *tshivhi* ndi "u sa tenda." Ni a vhona? Tshivhi tshithihi fhedzi, uho ndi u sa tenda.

<sup>95</sup> Huno *tshivhi* tshi amba "u bumpa he ha pimiwa." Vhunga ni tshi khou thuntsha, ni bumpa he ha pimiwa, ndi khwine ni tshi vhekanya tshigidi tshañu, ni a vhona, ngauri hu na tshiñwe tshithu tsho khakheaho. Nō bumpa he ha pimiwa. Ni a vhona, vhuyani murahu huno ni lingedze hafhu. Ni a vhona? Zwi amba u rembuluwa, no bumpa he ha pimiwa. Musi ni tshi ḥoda u vha Mukriste, huno na ya na dzhoina tshivhidzo, no humpa he ha pimiwa. Musi ni tshi ḥoda u vha Mukriste, huno no shashiwa nga dzina ṥa "Khotsi, Murwa, Muya Mukhethwa," no humpa he ha pimiwa. Ndi khwine ni tshi vhuya murahu. Ni nga si vhe he ha pimiwa. Ni do ya thungo, zwi na vhuṭanzi sa shango. Hu na Tshithu tshithihi fhedzi tshine tshi nga ni fara kha mutalo wo fhelelaho, ndi Luñwalo, Bivhili, Ipfi. Ngauri, maṭadulu na lifhasi zwi ḥo lovha, fhedzi Ipfi ṥa Mudzimu ḥi nga si lovhe na kathihi.

<sup>96</sup> Ngauralo, farani khono, lutendo kha Ipfi! Huno tshipiḍa tshiñwe na tshiñwe tsha ḥutendo tshine na tenda, huno ni sa timatimi na zwiṭukuṭuku, ni nga ḥokolola munango muñwe na muñwe une wa ima vhukati hanu na phaṭhutshedzo dzine Mudzimu a vha nadzo u itela inwi. Ngavhe Mudzimu a tshi ri thusa u vha na khono, ndi thabelo yanga. Kha ri kotamise zwifhaṭuwo zwashu zwino u itela ipfi ṥa thabelo.

<sup>97</sup> Khotsi ashu wa Ṭađulu, ri a U livhuwa madekwana a ḥamusuri Iwe wo ri fha yone khono ya u ḥokolela riñe u tshidzwa. Ndi—ndi a U livhuwa nga iżwo, Murena, uri ro tshidzwa, na nga khono dze ra kona u dzi shumisa u swika zwino. Fhedzi, Mudzimu, ri ḥee lutendo, uri liñwe na liñwe ṥa aya Maipfi o ḥwaliwaho Buguni Yau ndi zwiḥovhi zwiṭuku, huno heyi Khono ino vhidzwa Yesu... hoyu Munango, ndi amba, u vhidzwaḥo Yesu; huno khono, i no pfi lutendo, i kwama Ipfi liñwe na liñwe, i a ḥi kħiñulula. Lu kokodzela fhasi loko huno ri a kona u džhena kha idzo phaṭhutshedzo. Khotsi wa Ṭađulu, ri ḥee dzikhoño, uri ri kone u vha na lutendo kha pfufufhedziso dza Mudzimu, uri lutendo Iwashu lu si kundelwe, uri ri kone u vha vha tshumelo kha Iwe na avho vhane ra qibaqekanya navho.

<sup>98</sup> Hangwela tshivhi tshiñwe na tshiñwe tsha u sa tenda hashu, Murena, huno u ri thuse u vha Vhau. Ri khou da zwino kha ḥafula ya tshilalelo, huno ndi a rabela, Khotsi wa Ṭađulu, uri U ḥo ri hangwela milandu yashu yoṭhe, uri ri kone u džhena kha dakalo la vhuledzani u mona na ḥafula ya Mudzimu. Ri zwi humbelo nga Dzina ṥa Yesu. Amen.

<sup>99</sup> Mukomana wanga, khaladzi, arali ni na khono dza Muvhuso, khono kha Munango, khono ya tshidzo, Mudzimu a ni thuse u vula minango huno na tendela Yesu u džhena. I ri ni A ni ḥee zwithu zwine na zwi takalela nga maanda—nга maanda.

<sup>100</sup> Zwino, lwa tshikhalyana phanda ha musi ri tshi thoma u vhala kha tshilalelo, ndi khou ḥoda u amba tshithu ngauri tshi kha tshilalelo. Huno musi ri tshi da kha iyi alitari, hu na ndila nthihi fhedzi ya u da, iyo ndi, arali ro fara kono dza lutendo zwandani zwashu, izwo zwi ri tendela u divha uri zwivhi zwashu two hangwelwa. Huno arali ri si na iyo khono ya u khinulula uyo Munango, uri zwivhi zwashu two hangwelwa, a ri na mushumo ṭafulani ya Murena. Ngauri, uyo ane a la na u nwa a so ngo fanelwa, u dilela na u nwa mulandu kha ene munę, hu si u ṭalukanya muvhili wa Murena. Zwino, izwo ndi ngoho.

<sup>101</sup> Ndi a humbulela rothe ri a zwi divha uri namusi ndi Duvha la Tshilalelo tsha Lushaka. Heli ndi duvha line zwivhidzo zwe the zwa dzhiya tshilalelo. Ndi Duvha la Tshilalelo la Lushaka kha shango. Huno ndo elekanya uri zwi do vha two tea u amba ipfi kana mavhili nga ha tshilalelo ri sa athu tshi dzhia, musi mufunzi, arali a tshi do ralo, a tshi khou lugisa Mañwalo u itela u vhala ha-ha mbekanyo ya ṭafula ya Murena. Zwino, hetshi tshilalelo... Zwino, a thi nga dzhii fhedzi miniti i no ḥodou swika ya fumi.

<sup>102</sup> Tshilalelo itshi tshine ra khou ḥodou tshi dzhia, tsho vha khani khulwanesa ya inwe pfunzo-vho Bivhilini. Izwo ho vha hu... inwe ya khani yavho ya u thoma kha tshivhidzo tsha u ranga. Huno namusi Muporotestanti, wa Muepiskopaliemi na Vhamethodisi, na vhunzhi ha zwivhidzo zwa Porotestanti, vha ya ṭanganedza Katolika nga maya mutshena, pfunzo ya Roma Katolika, arali vha tshi nga wana tshipida tshiṭuku tsha tshilalelo. Fhedzi vha do tendelana na uri tshifhe u tea u mala huno vha vha vhashumeli, tshivhidzo tsha Katolika tsho tendelana kha izwo zwifhinga two vhalaho maguvhanganomu avho na miṭangano. Who tendela khawo. Huno vha do tendelana kha thabelo dzo fhambanaho, na zwiñwe-vho, tshivhidzo tsha Porotestanti tshi do tendelana khazwo. Huno katekisima na zwiñwe-vho, alitari thukhu hafha na heneffo, huno tshivhidzo tsha Katolika tshi a funa u zwi ita. Fhedzi musi zwi tshi da kha tshilalelo, heneffo vha wa. Nnyi na nnyi we a vhuya a vhala divhazwakale u ya divha izwo. Fhedzi, a hu na zwiñwe, kha ndila yanga ya u elekanya, vha do vha na zwinzhi zwine vha teya u bva khazwo, ndi sa athu—ndi tshi nga kona u zwi ṭanganedza, inwi ni a vhona, ngauri a si Bivhili.

<sup>103</sup> Fhedzi ndi ḥoda inwi ni tshi amba tshithu tshithihi kha tshivhidzo tsha Katolika. Naa ni a divha tshivhidzo tsha Katolika, u rangani, tsho vha tshi tshivhidzo tsha apostola ya pentekostala? Zwo tou ralo! Ho vha hu mathomo a u thoma a tshivhidzo. Huno ni a vhona he vha—hune vho fhelela hone, vho dzulela u ṭusa Ipfia nahone vha tshi khou panga dogima.

<sup>104</sup> Huno arali tshivhidzo tsha Pentekostala tshi tshi tea u vha hone miñwe miñwaha ya ḫana, tshi do vha kule nga maanda ha

Bivhili u fhira zwine tshivhidzo tsha Katolika tsha vha zwone ñamusi, u bva nga ndila ine zwa khou ya zwino.

<sup>105</sup> Zwo dzhia tshivhidzo tsha Katolika i si gathi, miñwaha ya dana u bva Khalo, miñwaha ya madana mararu, u bva kha tshivhidzo tsha u ranga u ya kha u dzudzanya tshivhidzo tsha Roma Katolika, he vha thoma u bva hone. Huno zwenezwo vha gavha, vha tshi disa vhahulisei vhahulu na zwithu, huno vha tumula *itshi* nahone vha dzhenisa ngomu ha *itshi*, huno vha bvisa *itshi* huno vha vheya *tshila*, huno vha bvisa midzimu i sili huno vha vhea zwivhumbeo zwa Vhakriste, na zwiñwe zwinzhi, huno vha tshi khou tou tunganudza Izwo u swika vha tshi da kha zwine vha vha nazwo zwino, tshivhidzo tsha Roma Katolika.

<sup>106</sup> Huno tshivhidzo tsha Porotestanti tsha Pentekoste u bva kha—kha miñwaha ya futhanu ye tsha vha tshi hone, huno hune tsho wa u bva he tsha thoma, tshi do vha tshivhumbeo tsho vhifhaho u fhira tshivhidzo tsha Katolika, kha miñwaha ya dana u bva zwino. Izwo ndi zwone. Ilo ndi ipfi lihulu line la nga ambiwa, fhedzi itonu sedza he vha wa vhe hone. Vha dzhena henefho ngomu ha dzangano, vha ya henefho kha u leludza *itshi* na *itsho*, na tshiñwe na tshiñwe-vho. Huno henefho vha a ñuwa, ni a vhona, vha tshi khou humela murahu.

<sup>107</sup> Fhedzi, *tshilalelo*, tshi vhidzwia “tshilalelo tsha Murena.” Zwino, vhatu vhanzhi, vha ñoda u tshi dzhia nga matsheloni. A vho ngo ri Bivhilini ho vha hu *vhuragane* Hawe. Huno nga ndila ine avha vhatu ñamusi, nga ndila ine vha kha di kona u ri “tshilalelo tsha Murena,” huno a vha iti. Vho tumula *tshilalelo*, huno vha tshi pfuka, nahone vha tshi vhidza “tshiswiñulo,” maloto. Tshilalelo!

<sup>108</sup> Zwino, dzulela u vha khani nga zwifhinga zwa Bivhili, ho vha hu khani zwenezwo. Vhatu vho vha vha sa pfectesi tshilalelo tsha Murena. Musi vha tshi da ñafulani, Paulo o vhudza avho Vhakorinta, vho vha vha tshi khou ña huno vha kambiwa ñafulani ya Murena. Ni a vhona, zwo vha zwi songo pfectesiwa nga u ralo tshifhingani itsho. A ri, “Arali ni tshi ñoda u la, ilani hayani.”

<sup>109</sup> Huno tshiñwe tshithu, a tsho ngo pfectesiwa, zwo tsha vha tshi zwone. Vhaitazwivhi, na muthu a tshilaho tshivhini, vha ña huno vha dzhia tshilalelo. Huno izwo zwo vha zwi sa pfectesiwi. Munna a tshi khou dzula na mme awe, mufumakadzi wa khotsi, huno tshivhidzo tsho mu vhudza nga hazwo; vha tshi kha di dzhia tshilalelo ñafulani.

<sup>110</sup> Huno ho vha hu na dziphambano vhukati havho, huno vho vha vha tshi kha di dzhia tshilalelo. A ri, “Ndi pfectesa uri ni tshimbila sa Vhannda vhothe. Huno hu—hu na khudano vhukati hanu, u fana na zwo raloho nga—nga maanda nduni ya Kefa, na zwiñwe zwinzhi.” Ha pfi, “Inwi ni tshimbila vhunga vhañwe Vhannda vhothe.” Ni a vhona, zwo vha zwi songo pfectesiwa.

<sup>111</sup> Tshilalelo tshifhinga tshothe tsho vha tshi songo pfecteswaho. Zwino, ndi nga ya phanda u itela hezwo lwa dziawara, fhedzi ri tea u wana hetshi tshilalelo na u tanzwana milenzhe. Zwino vho pfuka fhedzi u tanzwa milenzhe yothe, fhedzi dici tou vha dici si gathi dzidinomineisheni. Vhunzhi ha dza Pentekosta la vho bva khazwo. Ni a vhona? Huno zwi kha di vha Bivhilini nga ndila ye zwa nwaliwa. Ni a vhona?

<sup>112</sup> Zwino, Roma a i zwi vhidzi "tshilalelo." Vha tshi vhidza "fulufhelo, ndi fulufhelo likhethwa." A vha dzhii tshilalelo, vha dzhia fulufhelo. Ndi fulufhelo, huno fulufhelo zwa vhukuma zwi bvisa thalutshedzo ya vhukuma ya tshilalelo. Yone mass zwi amba "u fulufhelo." Vha dzhia fulufhelo, vha tshi khou fulufhela (uri nga u ita hezwi kha tshivhalo) uri Mudzimu u do vha hangwela zwivhi zwavho, nga u dzhia "muvhili wa vhukuma wa Kristo, une tshifhe a u ita Muvhili na Malofha a Kristo," vha tshi dzhia izwo, vha tshi fulufhela uri Mudzimu u do pfuka zwivhi zwavho nga u ita ralo. Ndi fulufhelo.

<sup>113</sup> Vhaporotestanti vha tshi vhidza "tshilalelo." Tshilalelo tshi amba "ndivhuwo." Uri vhone Vhaporotestanti... Yone Katolika i khou dzhya fulufhelo, kha lone fulufhelo vha tshi fulufhela uri Mudzimu u do vha hangwela kha mishumo yavho ya vhuvhi. Muporotestanti u a tshi dzhia e na ndivhuwo ya zwe zwa vha zwo no itwa kha tshilalelo na Mudzimu; a tshi amba Nae, uri zwo no itwa kale. Mukatolika u khou fulufhela uri zwo itwa; Muporotestanti u ri zwo no di itwa kale. Mukatolika u khou mangala arali zwivhi zwave zwo hangwelwa; vhone Phuroositente vha khou bula uri vho hangwelwa, uri o vhofholowa. Huno tshilalelo ndi u vha na nyambedzano na Mudzimu. Huno hezwi zwipi da zwine ra dzhia, hu si kha fulufhelo la uri zwivhi zwashu zwo hangwelwa, fhedzi zwo hangwelwa. Ngauri ndi... Tshinwe ndi fulufhelo; huno tshinwe ndi lutendo. Muñwe u khou fulufhela uri o luga; huno muñwe u ya zwi divha uri o luga. Ni a vhona? U la muñwe, muñwe u khou fulufhela, ngauri ha divhi he a ima hone; muñwe u a divha uri ndi u kha ngoho, ngauri u a divha zwe Mudzimu a amba. Izwo ndi zwone. Iyo ndi phambano. Ngauralo, musi ni tshi khou tou fulufhela, thogomelani; fhedzi musi ni tshi divha, zwenezwo bvelani phanda. Ni a vhona, zwenezwo ni kha tshilalelo na Mudzimu. Phuroositente ndi, u ri o hangwelwa nahone u ya zwi divha; Katolika i na fulufhelo, fulufhelo la uri u do hangwelwa. Zwi tou nga hezwi: muñwe ndi muhumbeli, a tshi khou fulufhela uri tshinwe na tshinwe tsho luga, ni a vhona; muñwe ndi muhumbeli a no khou livhuwa zwe zwa vha zwo no itwa. Vhothe ndi vha humbeli. Fhedzi muñwe u khou humbeli, a tshi fulufhela uri u do zwi wana; huno u la muñwe muhumbeli u ya zwi divha uri u nazwo, huno a Mu livhuwa nga u mu fha zwone. Zwino, kheylo phambano. Itsho ndi tshilalelo. Ee, muñwe wanga. Muñwe u khou fulufhela uri o hangwelwa; muñwe

u a ɖivha uri o hangwelwa, nahone a tshi khou ɳea ndivhuwo khazwo.

<sup>114</sup> Ngauralo, tshilalelo ndi tsha Vhakriste vho bebwaho hafhu nga Muya wa Mudzimu. Huno no *bebwa hafhu* a zwi nga ambi zwino uri ni na Muya Mukhethwa. Zwino elelwani. Zwino, vhanzhi vha funza izwo. “A thi ɖivhi muɳwe muthu ane a zwi funza sa hezwi,” sa Mukomana Arganbright o amba uvho vhusikuu bva kha phuluphithi hafha, ni a vhona. Fhedzi, mbebo ntswa a si ndovhedzo ya Muya Mukhethwa. Luñwalo a lu zwi tikedzi, a thi elekanyi, ni a vhona, nga ndila yanga ya u zwi vhona. Ni a vhona? Ndi a tenda uri no bebwa hafhu...

<sup>115</sup> Huno itsho ndi tshone tshi itisaho uri ndi shumise ipfi ndovhedzo nga Dzina la Yesu Kristo, fhedzi hu si u vha na kutshilele kuswa. Zwino, tsha Pentekoste, tshivhidzo tsha Vhuthihi ha Pentekostała, tshi lovhedza nga Dzina la Yesu Kristo u itela u vha na kutshilele kuswa. A thi zwi tendi hezwo. Huno vha nga zwi ita arali vha tshi Ძoda u ralo. Fhedzi ndi tenda uri Petro o ri, “Shandukani,” tsha u thoma. Madi ha hangweli zwivhi. Tshivhidzo tsha Kristo tshi zwi rera nga iyo ndila. Fhedzi ndi a tenda uri tshanduko, maʈungu makhetwa; u *shanduka* zwi amba “u rembuluwa, u humela murahu,” no humpa he ha pimiwa, “thomanı hafhu.” Itani izwo u thoma! Huno ndovhedzo yanu mađini i tou vha fhedzi u ɖibula ha nga nn̄da ya tshiɳwe tshithu tsho itwaho ngomu hañu, uri no Ძanganedza Kristo sa Mutshidzi wañu.

<sup>116</sup> Ndi a humbulela uri tshi tou vha tshivhidzo fhano madekwana a ɳamusi, u ya nga hune nda ɖivha, A thiho fhano lwo eðanaho u ɖivha uri ndi nnyi a no da kana hai. Ndi na u sasaladza huñku hafha a si kale nga ha u lovhedza munna hafha dzivhani, muthu wa kale. Huno nda ya khae, o vha e munna wavhuđi wa kale. Ndo vha na u tondwa ha u isa muña wawe wothe kha Kristo, vhothe avho Vhakriste. Uyu mukalahha o vha e munna wavhuđi wa kale, huno ndo mu takalela, ngauralo nda ya khae huno nda ri khae, “Baba, ndi ngani vha sa vhi Mukriste?” U a mpfuna.

<sup>117</sup> A ri, “Mukomana Branham, ndi do vha Mukriste musi ndi tshi nga vha wavhuđi lwo eðanaho.”

<sup>118</sup> Nda ri, “Ndi u vhudze zwine wa ita, Baba. Ni sedza u mona hothe u swika ni tshi wana hune ni nga kona u vha wavhuđi lwo eðanaho, zwenezwo mmbudzeni hone afho fhethu ha vha hone, ndi Ძoda u ya, na nne-vho.” Nda ri, “Kristo na khathihi ho ngo da u tshidza munna wavhuđi. O dela u tshidza muthu muvhı.” Musi ni tshi elekanya uri no luga, zwenezwo Ho ngo da u ni tshidza. O dela u vha tshidza uyo ane A ɖivha uri a si wavhuđi. Ni a vhona? Kristo o fela u tshidza vhaıtazwivhi. Ni a vhona? Huno nda ri, “Baba, hu na muduba henehafha.”

A ri, “Zwo luga, ndi daha idzi sigarete.”

Nda ri, "A thi khou yo amba nga hadzo."

A ri, "Ndo lingedza u dzi litsha, Mukomana Branham."

Nda ri, "Zwo luga, a ri khou yo amba nga ha dzisigarete."

A ri, "Zwo luga, musi ndi tshi kona . . ."

<sup>119</sup> Nda ri, "U songo—u songo tsha amba nga hadzo, dzi litshe dzo ralo. Ndi ḥodou ni vhudzisa mbudziso."

A ri, "Zwo luga, naa ndi mini?"

Nda ri, "Naa ni a tenda uri hu na Mudzimu?"

<sup>120</sup> Ha pfi, "Zwa vhukuma, ndi a zwi tenda." Ha pfi, "Ndi tenda uri no khwātha sa zwine na ita, ndi ḥo humbulela, Mukomana Branham."

<sup>121</sup> Nda ri, "Naa ni a tenda uri onoyo Mudzimu muthihi o budā lushaka Lwawe huno a itwa ḥama nahone a dzula vhukati hashu e kha muthu wa Yesu Kristo, uri a tshidze muthu?"

A ri, "Ee, ndi a zwi tenda hezwo."

"Huno O fa u tshidza vhaitazwivhi vhunga inwi na vhunga nne?" Ni a vhona?

"Ee, ndi a zwi tenda hezwo."

<sup>122</sup> Nda ri, "Zwino, zwi tou nga hezwi. Rothe ri kha tshifhaṭo tshithihi tshihulu nga hafha, huno ri khotthoni, huno ndi nga si kone u ima kha iyi khuḍa huno nda ri 'izwi zwi ḥo nthusa u bva khotthoni,' Ndi a ima kha iyo khuḍa huno nda ri 'izwo zwi ḥo nthusa u bva khotthoni,' rothe ri kha nyimele nthihi. Huno muthu muñwe na muñwe we a bebelwa shangoni lino o bebelwa tshivhini, a vhumbwa vhutshinyini, a da shangoni a tshi amba mazwifhi. Ndi ḥishandukwa, tsha u tou thoma."

<sup>123</sup> Muñwe o vhudzisa liñwe ḫuvha, a ri, "Mukomana Branham, arali . . . naa hu ḥo vha na phambano vhukati ha Adamu na Efa, na vhana vhavho ḥamusi, arali vhothe vho vha vhe fhedzi, vha tshi khou tshimbila ngomu ha . . . Naa—naa mivhili yavho i ḥo vha i tshi fana?"

<sup>124</sup> Nda ri, "Hai, muñe wanga." Ro vha ri tshi khou da hayani ri tshi bva u zwima zwisindi, Mukomana Fred na nne, na tshigwada tshavho. Nda ri, "Hai, a vha nga fani."

<sup>125</sup> Ha pfi, "U amba uri Efa o vha a si nga vhi musadzi vhunga vhananyana vhawé, huno Adamu o vha a si nga vhi munna vhunga vharwa vhawé?"

Nda ri, "Hu na ḥonifho nnzhi, fhedzi hu si kha ḥompho dzothe dza ḥama."

A ri, "Naa phambano i ḥo vha mini?"

<sup>126</sup> Nda ri, "Vho vha vha tshi do vha vha si na mukombo. Vho vha vho sikiwa. Ndi zwone. Vho vha vha si ngo ḥumanywa na tshithu."

<sup>127</sup> Tenda fhedzi izwo zwi tshi anwa heneffo kha tshiñwe na tshiñwe tsho bebwaho shangoni lino, zwi sumbedza uri ndi lishandukwa, tsha u tou thoma. Izwo ndi zwone. Nda ri, “Ngoho, hu na phambano. Vho vha vha tshi do vha vha si na mukombo. Vho vha vha si ngo ɣumanywa na muñwe musadzi, u da hafha.” Ni a vhona, Mudzimu o vha sika.

<sup>128</sup> Zwino, nda ri, “Ndi khou tøda u amba tshiñwe tshithu. Muthu muñwe na muñwe nduni ya khotø, a re mukhethwa? Ndi nnyi we a sa bebiwe nga vhudzekani? Ndi nnyi ane a nga thusa muñwe, hu si na ndavha uri u tou vha mini? Roøhe ri kha dzhele iyi nthihi. Fhedzi Mudzimu o Diita iñwe ya tsiko Yawe huno a da nga nn̄da ha vhudzekani, nga kha Malofha makhetwa e A Disikela, huno nga kha ayo Malofha O ri rengulula.” Nda ri, “Ni a tenda izwo, Baba?”

A ri, “Ndi a zwi tenda hezwo.”

<sup>129</sup> Nda ri, “Kristo o fela muthu muvhì a no nga inwi. Zwino, hu na ndila nthihi fhedzi ya u ita. A hu na tshire ni nga ita. U zwi ɣekedza kha inwi. Ni nga si kone u zwi swikelela. A hu na tshire ni nga ita uri ni zwi wane. U tou ni nea zwone. Naa ni do ɣanganedza zwe A ni itela zwone, u ni thivhela vhudzulavhafu?”

<sup>130</sup> A ri, “Ndi do ita hezwo.” A ri, “Fhedzi arali nda nga tou litsha hedzi sigarete.”

<sup>131</sup> Nda ri, “Sigarete dzi do dilonota. Ni tou... a thi khou ni vhudzisa. A thi wa mulayo. Ndi tenda kha tshilidzi. ‘Huno vhoøhe vhe Khotsi a Nneya vhone vha do da ha Nñe.’” Nda ri, “Arali ni tshi tenda izwo nga mbilu yanu yoøhe!”

A ri, “Nga mbilu yanga yoøhe, ndi a zwi tenda.”

<sup>132</sup> “Zwenezwo ni do zwi ɣanganedza kha ayo maga, uri a no ngo fanelwa ngazwo, fhedzi ndi Ene o fanelwaho? Ni songo disedza; Mu sedzeni, ngauri ni nga si kone u itela inwi muñne tshithu. Sedzani Uyo we a ni itela tshiñwe tshithu. Mini-ha nga Hae?”

“Oo,” a ri, “O fanelwa.”

Nda ri, “Ndi zwone, zwenezwo ɣanganedzani zwine A ni nea.”

A ri, “Ndi ralo.”

<sup>133</sup> Huno ndo mu lovhedza nga Dzina la Yesu Kristo. Huno ene a bva hafha huno a funga sigarete.

<sup>134</sup> Vhege dzi si gathi dzo fhiraho ndo vha ndi fhasi hayani hawe. Ndo vhona bono vhuñwe vhusiku, la muri u no dzula u mudala u tshi remiwa, wa vhinduluswa. Nda vhona zwipikiri khawo. heneffo tsini na bodo la u fhedza ho vha hu na bodo li kungaho. Huno fhasi ha ilo bodo, fhasi fhasi u yela magumoni, u sendama nga heyi ndila, wone muri wa vundea heneffo. Huno Ippi la ri, “Ho vha ho tea u vha ho vha inwi,” kana, “Ho vha hu tshi do vha ho vha inwi.” Huno Baba Cox a wa, a sikiøedza muñana wawe

ngomu *hafha*. Huno ngauralo nga matsheloni a tevelahalo vha disa sigarete dzawe khae musi o vha e mmbeten, lutamo lwo vha lwo no mu tutshela. Vhege dzo fhiraho! Ha athu vhuya a thetshela na nthihi, ha ḥodi na nthihi kana tshiñwe tshithu. Ni a vhona? Huno ndo mu vhona tshifhinganyana tsho fhiraho, musi zwanda zwave zwe vha zwi tshi kha di tou vha buraweni u mona hothe, vhege dzi si gathi dzo fhiraho, nga fola, huno zwino a nga si vhuye a imela inwe uri i do vha tsini hawe. Vheani zwithu zwa u thoma u thoma! Ni songo lingedza u vha wavhud; no vhifha, tsha u tou thoma, huno a hu na tshine ni nga ita. Hu na mutalo wa phandekanyo, huno vhatu vhoṭhe vha kha liñwe sia.

<sup>135</sup> Zwino, musi ndo bebiwa kha liño shango, ho vha hu vhukati ha mbingano khethwa, vhukati ha khotsi anga na mme; mbumbeloni yawe ho vha hu na gumba, kha thanga dza khotsi anga ho vha hu sele ya malofha. Vhutshilo hanga vhu bva kha iyo sele ya malofha (hu si ha gumba la mme anga), la sele ya malofha ya khotsi anga. Huno musi iyo sele ya malofha i tshi dzhena fhethu hayo ho teaho u ṭangana na gumba, musi zwe ita, mupo wo laiwa nga Mudzimu uri mphe muvhili. Huno zwenezwo nga itshe tshifhinga ndo bebwā ngomu ha lushaka lwa vhatu, Ndo ḥewa tshikhala tsha u—u vha muthu o ḥalifhaho vhunga vhatu vho ralo, hune ndi nga reila modorokara, kana ndi nga ita zwithu vhunga vhatu vha tshi ita, tshimbila, u ambe, u reila modorokara, na zwiñwe-vho. Ndo ḥewa hezwo, ngauri ndo bebelwa muṭani wa vhatu, huno nda ḥewa maanda a vhuṭali uri ndi vhe muthu.

<sup>136</sup> Zwino, musi ndo bebelwa muṭani wa Mudzimu, ndo da nga Malofha, Malofha a nnea Vhutshilo. Huno zwenezwo nga murahu ha musi ndo no tshila kha Kristo, A mbo di ndovhedza nga Muya Mukhethwa na maanda, u vha murwa wa Mudzimu. Zwino, u tou fana na musi ndo kona u tshimbila, nda amba vhunga muthu, nda reila modoro wanga vhunga muthu, zwino musi ndi tshi ṭanganedza Muya Mukhethwa, ndo ṭanganedza maanda a u pandela vhodiabolo, u amba nga dzindimi ntswa, u rera Mafhungo-madifha, u fhodza vhalwadze. Ndo lovhedzwa! A tho ngo bebwā; fhedzi ndo lovhedzwa!

Vho vha vho kuvhangana lufherani lwa nt̄ha,  
Vhoṭhe vha tshi khou rabela nga Dzina ḥawé,  
Vho lovhedzwa nga Muya Mukhethwa,  
Huno maanda a tshumelo a ḫa.

<sup>137</sup> Amen. Ni tenda kha Vhutshilo Vhu Sa Pheli, nahone no bebwā hafhu nga lutendo lwanu. Yesu o ri, kha Yohane Mukhethwa 5:24, “Uyo ane a pfa Maipfi Anga nahone a tenda kha Uyo we a Nthuma, u na vhutshilo ha lini na lini,” hu si Muya Mukhethwa, u tou vha na vhutshilo ha lini na lini. O bebelwa muṭani wa Mudzimu. Huno zwenezwo vha lovhedzelwa ngomu ha Muya Mukhethwa, nga maanda a vhuṭali ha lutendo, u tenda Mafhungo-madifha na u A vhea uri a shume huno a

A lugise. Amen. Zwenezwo u difara sa murwa wa Mudzimu. Zwenezwo a nga pandela vhodiabolo. Yesu o ri, "Izwi zwigā zwi do vha tevhela!" Ni a vhona? "Dzinani Langa vha do pandela vhodiabolo, vha do amba nga dzindimi ntswa, vha takula mañowa, vha nwa zwithu zwi vhulayaho." Ni a vhona, u ḥanganedza maanda nga Muya Mukhethwa, u ita hezwi zwithu.

<sup>138</sup> Zwino, musi A tshi ḥuwa, O ri, "Ndi u ni tonda N̄ne ndi tshi ḥuwa. Ngauri, arali nda sa ḥuwa, Muya Mukhethwa u nga si de." Ni a vhona? Zwenezwo musi A tshi da, U do rovhedza shango tshivhi, huno a funza u luga, nahone a ni sumbedza zwithu zwi daho (ndi mabono). "U do dzhia izwi zwithu zwe nda ni funza, huno a ni dzumbululela zwone." Maipfi eneo e A da... A hu na muthu ane a nga pfesesa Ipfi nn̄da ha ndovhedzo ya Muya Mukhethwa. Huno musi munna a tshi ri u na ndovhedzo ya Muya Mukhethwa, huno a hanedza Ipfi u vha lone, hu na tshinwe tshithu tsho khakheaho.

<sup>139</sup> Paulo o vha e musasaladzi wa Testamente Ntswa. A two ngo ralo, Testamente Ntswa yo vha i songo ḥwalwa. Paulo o vha e musasaladzi wa Vhukriste, Saulo. Huno musi a tshi ḥanganedza Muya Mukhethwa, o ya phasi miñwaha miraru ngei Asia huno a guda Mañwalo, ngauri o funzwa phasi ha Gamaliele, mudededzi muhulwane. Zwenezwo musi a tshi vhuya murahu, huno nga murahu ha miñwaha ya fumiña, o gonya u yo ḥangana na Petro ngei Yerusalem, huno vha wanulusa uri vho vha vhe Ipfi na nga Ipfi Mafhongo-mađifha eneo mathihi. Mudzimu muthihi we a vha e na Petro o rera nga duvha la Pentekoste huno a vha vhudza uri vha shanduke nahone vha lovhedzwe nga Dzina la Yesu Kristo, wonoyo Muya Mukhethwa muthihi wo zwi dzumbululela Paulo, huno a vha vhudza kha Mishumo 19 nga murahu ha musi vho no lovhedzwa nga tshinwe tshifhinga nga Yohane, ha pfi, "Ni tea u dovha na lovhedzwa, nga Dzina la Yesu Kristo hafhu." Ni a vhona?

<sup>140</sup> Ni a vhona, Muya Mukhethwa u dzula tswititi na Mañwalo. Lutendo lwawo kha Izwo lu khinulula tshipphiri tshinwe na tshinwe. Amen. Bivhili yo ri, kha Yohane ya u Thoma 5:7, "Hu na zwiraru zwine zwa ḥanziela, Tađulu: Khotsi, Ipfi (le la vha li Kristo), na Muya Mukhethwa. Havha vhararu ndi Muthihi." "Huno hu na zwiraru zwi no ḥanziela lifhasini: mađi, Malofha, Muya. Hezwi zwiraru a si zwithihi, fhedzi zwi tendelana kha tshithihi." Zwino, ni nga si vhe na Khotsi ni si na Murwa, ni nga si kone u vha na Murwa ni si na Muya Mukhethwa; Ndi vhone Muthihi. Fhedzi ni nga itwa o lugaho nga nn̄da ha u khethefhadzwa, huno ni nga khethefhadzwa hu si na u vha na Muya Mukhethwa. U itwa mukhethwa ndi nga Malofha, nga kha Malofha hu da Vhutshilo. Ni a vhona? Huno Muya Mukhethwa ndi maanda a Mudzimu, ni a vhona, maanda o newa kha tshividzo.

<sup>141</sup> “Ni ḍo ṭanganedza” (mini?) “maanda,” Mishumo 1:8, “nga murahu ha musi uyu Muya Mukhethwa wo no ḍa kha inwi. Ni ḍo ṭanganedza maanda!” (Hu si “ni ḍo bebwa hafhu.”) “Ni ḍo ṭanganedza maanda nga murahu ha musi Muya Mukhethwa wo no ḍa kha inwi. Zwenezwo ni thanzi Dzanga ngei Yerusalem, Yudea, na Samaria, u swika mugumoni wa liphasi.” Ni a vhona? Ni ṭanganedza maanda nga murahu ha musi no ṭanganedza Muya Mukhethwa. Fhedzi tsha u thoma ni fanelu u ṭanganedza Muya Mukhethwa, huno ayo ndi maanda a Mudzimu, ni a vhona, u vhonadza na u sumbedza. Inwi ni—inwi ni... vhunga no vha ni muthu, huno na guda u amba na u tshimbila huno na ita zwithu zwine muthu a ita; musi ni tshi lovhedzwa nga Muya Mukhethwa, no newa maanda a u difara sa vharwa na vhananyana vha Mudzimu. A zwi mangadzi vhathu vha tshi ita na u ita nga ndila ine vha ita namusi, na khathihi a vho ngo vhuya vha ḍala nga Muya Mukhethwa. Arali vha tshi ḍo ralo, vha ḍo difara nga ndila yo fhambanaho. Vha amba uri vho ralo, fhedzi Yesu o ri, “Ni ḍo vha divha nga mitshelo yavho.” Ngauralo ni nga zwi ita hani, inwi ni a vhona, two tou ṭanganana tshoṭhe. Ni a vhona? Fhedzi vhulelani kha dzimbuno!

<sup>142</sup> Zwino, arali na tshimbila zwavhuḍi nahone na divhidza sa Mukriste, ri a ni ramba madekwana a namusi kha ṭafula ya Murena. Namusi, a hu na u timatima, tshilalelo tsho no dzhiwa kha lushaka lwoṭhe, vhañwe vhavho nga iñwe ndila huno vhañwe nga iñwe. Fhedzi ndi elekanya ndila ya khwinesa u zwi ita ndi u tevhela Mañwalo, nga ndila ye vha zwi ita Mañwaloni. Ndi elekanya uri izwo zwi ḍo edana.

<sup>143</sup> Naa ni na Bivhili yanu, Mukomana Neville? Mukomana Neville zwino u ḍo vhala Mañwalo. [Murathu Neville u ri, “Kha ndima ya vhu11 ya Vhakorinta ya u Thoma, ri tshi thoma kha ndimana ya 23,” huno ra vhala Mañwalo a tevhelaho—Mudz.]

[*A vha nñe ndo nekedzwa nga Murena zwenezwo-who zwine nñe nda ni kumedzela, Zwauri Murena Yesu vhusiku he a naledzwa o dzhia tshinnkwa:*]

[*Huno musi o no nea ndivhuwo, a tshi nwata, huno a ri, Dzhia, ila; hoyu ndi muvhili wanga, une wa vundelwa inwi: itani hezwi uri hu vhe u nnyelelwa.*]

[*Nga murahu ha mukhwa wonoyo muthihi na ene o dzhia tshinwelo, musi o no lalela, a tshi ri, Itshi tshinwelo ndi mulanga muswa malofhani anga: hezwi zwi iteni inwi, tshifhinga tshoṭhe ni tshi nwa, kha u elelwa nñe.*]

[*Ngauri misi yoṭhe ni tshi ḥa itshi tshinnkwa, na nwa itshi tshinwelo, ni ṭanziela tshoṭhe lufu lwa Murena u swika a tshi ḍa.*]

[*Ndi zwone zwine a no do la itshi tshinnkwa, nahone a nwa itshi tshinwelo tsha Murena, a songo fanelwa, u do vha na mulandu kha muvhili na kha malofha a Murena.*]

[*Fhedzi muthu izwo nga a disedze, huno ngauralo a kone u do la itsho tshinkwa, nahone a nwe itsho tshinwelo.*]

[*Ngauri ane a sokou la nahone a sokou nwa a songo fanelwa, u khou dilela na u dinwela mulandu, a satalukanyi muvhili wa Murena.*]

[*Ndi zwone zwine ha anda vhahoṭa na vhalwadze vhukati haṇu, huno vhanzhi vho edela.*]

[*Ngauri arali ro vha ri tshi dihaṭula, a ri tei u haṭulwa.*]

[*Fhedzi musi ri tshi haṭulwa, ri khou laiwa nga Murena, uri ri sa do latiwa na shango.*]

[Murathu Neville u ri, “Murena a fhaṭutshedze u vhalwa ha Ipfi Lawe.”]

<sup>144</sup> Tshifhingga tshothe ndi tshithu tshikhethwa tsho raloho, tshithu tsho khetheaho nga u ralo, ndi elekanya uri ri tea u kotamisa zwifhatuwo zwashu zwino thabeloni yo fhumulaho. Inwi nthabeleleni, ndi do ni rabelela. Kha ri rabelisane, uri Mudzimu u do vha wa khathutshelo kha riñe zwivhumbwa zwi songo fanelaho vhane vha vha khou ṭoda u dzhiya kha izwi zwikhethwa kha u elelwa lufu lwa washu Murena.

<sup>145</sup> [Mukomana Branham u a fhumula u itela thabelo yo dzikaho. A hu na tshithu kha theiphi—Mudz.] Heyi thabelo ya u bula ine ra i netshedza kha Iwe, Khotsi ashu, kha aleṭare Yau ya musuku, na Tshiṭhavhelo tshashu, Murena Yesu. Ri zwi humbelo nga Dzina Lawe. Amen.

<sup>146</sup> Zwino ndi a tenda uri vhahulwane vha do dzhia vhuimo havho, huno vha do...ha tshivhidzo, huno vha do disa vhatu ntha musi vha tshi da, vhe kha muduba nga muduba, u itela tshilalelo. Tshifhingga tshothe elekanyani nga ha ulwo luimbo:

Ngwana i funwaho i no khou fa, Malofha Au a  
thengo khulu

A nga si vhuye a xelelwa nga maanda Ao,  
U swika Tshivhidzo tshothe tsha Mudzimu  
tsho rengululwaho

Tshi tshi tshidzwa, uri tshi sa tsha tshinya.

Kha ri kotamise zwifhatuwo zwashu.

<sup>147</sup> Khotsi wa tshilidzi na Mukhethwa, Yehova, Ramaanda muhulu, rumela phaṭutshedzo Dzau kha vhatu Vhau musi ri tshi lindela. Ri hangwele zwivhi zwashu. Huno zwino ri nekedza kha Iwe heyi sakharamenthe, heyi veini, nqiriyhe dze dza ṭavhiwa, huno zwanda zwa vhashumeli zwo kwashekanyela izwi fhethu huthihi. Huno dza itwa dza vha veini u itela ndivho

ine ra vha khayo zwino ri tshi i disa kha Iwe u itela, uri zwi kone u imela kha riñe Malofha a Murena washu Yesu Kristo. Ndi a U rabela, Khotsi, u khethefhadza veini u itela iyo ndivho. Hangwela tshivhi tshiñwe na tshiñwe tshashu. Huno ngavhe muthu muñwe na muñwe ane a ḥanganedza ino veini kha muvhili wavho, ngavhe vha tshi vha na mutakalo, nungo, na tshidzo u bva kha Iwe. Ri nee zwone, Murena. Ri a zwi humbela Dzinami la Yesu. Amen.

<sup>148</sup> Bivhili yo amba uri musi A tshi ñwata vhurotho na u vhu fhañutshedza, a ri, “Dzhiani ni le, hoyu ndi Muvhili Wanga une wo kwashekanyelwa vhoiñwi. Hezwi ni zwi ite ni tshi Nyeelwa.” Huno musi ri tshi dzhiya hedzi phasela ḥukhu dza tshinnkwa, tsha kosha, tshire tsha vha tshi si na dini, tsho itwa nga Vhakriste, zwo itwa ngauri zwi—zwi imela Muvhili wa Kristo. Ri pñsesa uri—uri ho vha hu vhañuviwa vha ñuvha la Kristo, kana ñuvha la tshivhidzo, vhe vha dzhiya hezwi zwipida huno vha lugisela tshilalelo kha tshilalelo tsha u fñedza, kha tshilalelo tsha u fñedza tsha Kristo. Huno fhasi nga kha Bivhili, ho vha hu vhañuviwa vhe vha nekedza hezwi zwithu kha vhatu. Huno namusi, vhañuviwa vhashu vha musalauno, vharathu vhashu ñhano vha tshivhidzo, vhañuviwa vha iyi Ndivho, vhashumeli kha vhatu. Huno vha ño dzhia izwi zwipida huno vha zwi nea kha vhatu.

<sup>149</sup> Huno zwino musi ni tshi ḥanganedza itsi tshinkwa, elelwani, tshi imela Ngwana. Miñwaha minzhi yo fhiraho musi ngwana ya Isiralele i tshi otshiva muliloni, huno ya dzhiwi nga miroho i vhavhaho, vhatu vho vha vhe na nungo; zwienda zwavho a zwo ngo vhuza zwa ḥahala, zwiambaro zwavho a zwo ngo vhuza zwa ḥahala, hothe kha lwendo u swika vha tshi swika kha shango ḥavho la pñlufhedziso. Ngavhe Mudzimu a tshi ri ita uri ri vhe na mutakalo, ro takala, ri tshi Mu shumela u swika ri tshi swika kha Shango lo Fulufhedziswaho le A ri nea lone.

Kha ri rabele.

<sup>150</sup> Khotsi wa ḥadulu wa tshilidzi, vhunga ndi tshi khou amba madekwana a ñamusi nga ha uyo Mukhethwa, Muvhili wo khethefhadzwaho wa Murena washu, kha Uyo ho dzulaho u khunyelela ha Vhumudzimu, musi ndi tshi elekanya nga ha uyo Muvhili u tshi rwiwa na—na u kwashekanywa, na Malofha a tshi khou shuluwa, muñana Wawe na mbavu Dzawe dici tshi khou vhonala, u ḥomolelwa ñtha na fhasi muñanani Wawe, musi ndi tshi humbula nga ha uyu wo onyanaho, tshinnkwa tsho ñwatekanaho tshi imela izwo, zwi vusuludzea nga huswa mbiluni dzashu, ri vhea mbilu dzashu, Murena, kha alitari Yau madekwana a ñamusi. Ri hangwele, O Mudzimu. Huno ngavhe itsi tshinkwa tsho ñwatekanaho, musi tshi tshi dzhena mulomoni wa izwi, Vhalanda vhatu, huno ngavhe vha tshi limuwa uri ho vha hu Muvhili Wau wa vhudi we wa kwashekanywa nahone wo huvhadzwa, huno nga ntho ro fhodzwa. Zwi tendele,

Murena. Khethefhadza itshi tshinkwa tshi si na dini kha ndivho yatsho ya zwine tsha vhela zwone. Ri humbela nga Dzina la Yesu. Amen.

Itonu ima lwa muniti.

<sup>151</sup> A si tshilalelo tsho dzumbamaho. Mutendi muñwe na muñwe wa Mukriste u ḥanganedzwa ṭafulani ya Murena, u vha na uvhu vhuṭama na riñe . . . ? . . .



*KHONO KHA MUṄANGO* TSV62-1007  
(The Key To The Door)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Tshimedzi 7, 1962, Thaberenakeleṇi ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenḍa yo gandiswa huno ya phaḍaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)